

駢

雅

訓

纂

駢雅卷四上

訓纂八

明 朱謀瑋 鬱儀

龍巖魏茂林學

釋器上

鈗鑠。鈗銷。鈗鑠。銑鑠。金也。

〔御覽七百五十七器物部〕纂文曰：秦人以鈗鑠爲銑鑠。〔廣韻四去聲〕銑，蜀呼鈗鑠。古莽二音。鑠又莫古切。〔廣雅釋器〕鈗銷，謂之銑鑠。〔疏證〕說文銑鑠，鎔也。衆經音義卷十六引聲類云：銑鑠，小金也。按物形之小而圓者，謂之銑鑠。單言之則曰銑，銑者族羸之合聲，故銑鑠又謂之鎔鑠。急就篇注云：小金曰鎔鑠，是也。又玉篇鈗銷，小金也。太平御覽引魏略云：我槌破汝鈗銷耶？又引杜預奏事云：藥杵曰燥槃，尉斗金食鈗槃。鈗銷皆民間之急用也。鈗銷於胡余六二切，銑鑠才戈力戈二切。〔玉篇中〕

金部鉤。鉤小釜也。鉤於河切。

酢。餽餽也。

方言五。餽自關而東謂之餽。或謂之鶩。或謂之酢。餽。注屋雷疏。證各本餽訛作餽。今從爾雅疏所引作餽。爲正說。文餽飯氣蒸也。屋雷當作音屋雷之雷。酢在各切音。昨此尙沿舊本作餽。炊。奠漉米者。量鼓。授米者。筴。筴盛米者。

又同上。炊。奠謂之縮。或謂之篋。或謂之匿。注漉米。奠也。疏證說文云。奠漉米。篋也。篋炊。奠也。奠於鞠反。禮曲禮上。獻米者。

操量鼓。注量鼓。量器名。疏米六米之等量。是知斗斛之數鼓是量器名也。隱義云。東海樂浪人呼容十二斛者爲鼓。以量米故云量鼓。急就章第十三。筴。筴。籥。籥算。籥小。顏注。筴。籥皆所以盛米穀也。以竹木簞。席若泥塗之。則爲筴。織草而爲之。則曰

筥王氏補注說文筥筥也通釋今俗言倉筥淮南子云守其筥  
筥注受穀器。筥音鈍筥音遄

留犂飯匕也。

漢書匈奴傳下昌猛與單于及大臣俱登匈奴諾水東山刑白  
馬單于以徑路刀金留犂。撓酒注應劭曰金契金也留犂飯匕  
也。

安哉食器也。

御覽七百六十器物部李尤安哉銘曰安哉令名甘旨是盛埏  
埏之巧甄陶所成食彼美珍思此鹿鳴通雅三十四器用類安  
哉之器蓋言甗也御覽李尤安哉銘云云則爲飲食之器明矣  
智以古哉與哉載通說文甗設飪也从尹从食才讀若載又見  
下盞盞注

蘇釭胡食器也。

御覽七百六十器物部蘇釭。呂靜云胡食器也。林邑記曰林邑王范明達獻流離蘇釭二口。釭音立。

盞盞大孟也。

方言十三孟謂之榼。河濟之間謂之盞。盞碗謂之喬。孟謂之銚。銳木謂之相。快廣雅釋器盞榼盞盞銚銳柯。櫛相桮快盞盞碗孟也。疏證盞盞字亦作安殘。太平御覽引李尤安殘銘云云。按今本御覽安殘作安哉。見上。又玉篇中皿部盞盞大孟也。於干才丹二切。

甌甌缶也。

方言五缶謂之甌。甌其小者謂之甌。廣雅釋器甌甌甌甌也。

部偶二音。

銚銳盃也。

〔方言五〕孟宋楚魏之間或謂之盃盃謂之孟或謂之銚。〔注〕銚謠音又見上盃盃注。謠音猶言音謠也。曹憲博雅音銚遙今人多作大弔反。

康瓠瓢也。

〔爾雅釋器〕盃謂之缶。瓠謂之瓠。康瓠謂之瓢。〔注〕瓠壺也。賈誼曰寶康瓠是也。〔正義〕史記賈生列傳弔屈原賦云幹棄周鼎兮而寶康瓠。集解云大瓠也。應劭云康容也。一曰康空也。與郭義同。漢書音義鄭氏云康瓠瓦盆底非郭義也。〔釋文〕康孫郭如字。字書埤蒼作瓠音同。字林作瓠口光反。瓠音護。瓠邱例反。曹憲博雅音瓢去滯反。

瓠瓠瓠耳瓶也。



也。蒲後力口二切

漢書蘇武傳於軒王愛之給其衣食三

歲餘王病賜武馬畜服匿穹廬注孟康曰服匿如嬰小口大腹

方底用受酒酪穹廬旃帳也晉灼曰河東北界人呼小石甕受

二斗所曰服匿

鴟夷豐侯酒器也

漢書鄒陽傳子胥鴟夷注應劭曰吳王取馬革爲鴟夷受子胥

沈之江鴟夷榼形師古曰鴟夷卽今之盛酒鴟夷勝御覽七百

六十一器物部崔浩漢記音義曰滑稽酒器也轉注吐酒終日

不已揚雄酒賦曰鴟夷滑稽腹大如壺晝日盛酒人復借酤常

爲國器託於屬車說文解字第五豐豆之豐滿也从豆象形

一曰鄉飲酒有豐侯者段氏注鄉當作禮禮飲酒有豐侯謂鄉

射燕大射公食大夫之豐也鄭言其形云似豆卑而大說者以



爲若井鹿盧言其用於鄉射云所以承爵也於大射云以承尊也公食大夫之豐亦當是承爵燕禮之豐亦當是承尊皆各就其篇之文釋之禮但云豐許云豐侯者蓋漢時說禮家之語漢律厯志王命作策豐荆竹書紀年成王十九年黜豐侯阮諶曰豐國名也坐酒亡國崔駰酒箴曰豐侯沈湎荷嬰負缶自戮於世圖形戒後李尤豐侯銘曰豐侯荒謬醉亂迷迭乃象其形爲禮戒式後世傳之固無正說三君皆後漢人諶撰三禮圖者漢人傳會禮經有豐侯之說李尤以爲無正說鄭不之用許則襲禮家說也

犧象黃目尊也

禮明堂位尊用犧象山罍鬱尊用黃目注尊酒器也犧尊以沙羽爲畫飾象骨飾之鬱鬯之器也疏犧犧尊也薦血腥時用以

盛醴象象尊也饋食時用以盛盞齊黃目嘗烝所用今尊崇周公故於夏禘用之又鄭志張逸問曰明堂注犧尊以沙羽爲畫飾前問曰犧讀曰沙沙鳳皇也不解鳳皇何以爲沙答曰刻畫鳳皇之象於尊其形婆娑然或有作獻字者齊人之聲誤耳釋文犧象素何反注下皆同

櫨禁承尊者

又禮器天子諸侯之尊廢禁大夫士櫨禁注廢猶去也櫨斯禁也謂之櫨者無足有似於櫨或因名云耳大夫用斯禁士用櫨禁疏司尊彝鬱鬯之尊用舟以承之其犧象等六尊皆無用舟又燕禮諸侯之法瓦大兩有豐是無禁也是天子諸侯廢禁大夫士櫨禁者大夫用櫨士用禁又櫨是輦名上有四周下無足今大夫斯禁亦無足似木輦之櫨故周公制禮或因名此斯禁

云檠耳故少牢司宮尊兩鬴於房戶之間同檠是周公時已名  
斯禁爲檠也鄭注儀禮檠今無足輦皇氏以爲檠一頭足一頭  
無足未知有何馮據且高下不等何以承尊其義非也。檠於  
據反

觥。經程鑿落飲器也。

〔集韻上聲五博雅觥。觥卮也。〕按今本廣雅釋器作觥曹憲音觥  
拙究反觥多旦反疏證引說文觥小卮也玉篇之與之繫二切  
此作觥蓋从集韻本〔韓詩外傳卷十〕齊桓公置酒令諸侯大  
夫曰後者飲一經程管仲後當飲一經程飲其一半而棄其半  
桓公曰仲父當飲一經程而棄之何也管仲曰臣聞之酒入口  
者舌出舌出者棄身與其棄身不寧棄酒乎桓公曰善詩曰荒  
湛於酒〔庶物異名疏器用部〕白樂天詞銀不落從君勸又詩

銀合錯落盞退之聯句酤顏傾鑿落三者同一酒器也又通雅三十三器用類方言栝落後世則稱栝託酒託亦稱酒衣韓愈用鑿落言其工巧光文錯落耳按白樂天送春詩銀花不落從君勸不落亦作鑿落庶物異名疏以詩爲詞又脫花字失之又海錄碎事飲食器用部飲器門蒼梧令金佐堯從賊被黥而嘗自稱金鑿絡湘楚人以盞岸中鐫鏤金鍍者爲金鑿絡諸說各異所未詳也

筌雙酒觔也

〔集韻平聲一〕筌雙酒觔也〔又〕博雅筌雙謂之筌一曰酒觔。胡江疎江二切按筌雙筌字當作筌集韻於四江筌字雙字注皆从夆惟十虞筌字注引博雅文筌雙作筌雙與此書引合然博雅筌雙實本說文之棹雙字皆从夆且不作酒觔解則集韻之

作箏作箏以訓酒箏他無可考以本韻一東箏箏字通證之則  
箏應作箏皆从夆箏與柝通應从夆箏雙疊韻與本韻聲雙  
雙聲雙字皆从夆此二字不應獨異疑集韻引博雅偶誤而鬱  
儀又沿其誤爾

雕篋鏤柄箏也

禮明堂位薦用玉豆雕篋注篋箏屬也疏雕篋者篋箏也以竹  
爲之形似篋彫鏤其柄故曰彫篋也釋文彫本亦作雕篋息緩  
反又祖管反

桶櫬著箏也

方言五著箏陳楚宋魏之間謂之箏或謂之箏自關而西謂之  
桶櫬注今俗亦通呼小籠爲桶櫬又廣雅釋器箏管桶櫬簫箏  
箏也疏證贏與贏同天孔思公二切

梲。斚也。

〔禮明堂位〕斚用梲。斚。注。斚始有四足也。斚爲之距。〔疏〕斚斚兩代斚也。虞斚名梲。梲形四足如案。夏斚名斚。斚亦如梲而橫柱四足中央如距也。賀云。直有腳曰斚。加腳中央橫木曰斚。〔釋文〕斚苦管反。斚居衛反。又作斚。音同。

夏屋大斚也。

〔詩權輿〕於我乎夏屋。渠渠傳。夏大也。〔箋〕云。屋具也。渠渠猶勤勤也。言君始於我厚設禮食大具以食我。其意勤勤然。丹鉛總錄訂訛類。字書。夏屋大斚也。今以爲屋居非矣。〔按〕夏屋有二解。鄭注。檀弓。卽歧其說。當兩存之。考詳張氏雲璈選舉膠言七。斚基錫鑒斚也。

〔孟子二〕雖有斚基。注。斚基田器。〔疏〕釋名云。斚基大鋤也。〔集韻〕

平聲一埤蒼鑷鑿鉏也或作鑿鑿班麋切音碑

鹵斫大鉏也

廣韻五入聲鑷說文曰大鉏也方言云關東名曰鹵斫也又庶物異名疏農器部方言云關東謂大鉏曰鹵斫按今本方言無此文魯酌二音

柯樞鉏柄也

廣雅釋器屎矜柯柯樞秘附柄也疏證玉篇柯鎌柄也說文樞鉏柄名徐鍇傳云今俗人尙謂鉏柄爲鉏樞釋名云齊人謂鉏柄曰樞樞然正直也按廣雅此條惟樞爲鉏柄柯則鎌柄也餘如屎獲柄也見說文矛柄謂之矜又戟柄自關而西謂之秘俱見方言柯斧柄也見幽風伐柯傳附弓把也見大射儀鄭注是屎矜以下七字皆一字一義統釋爲柄此以柯樞爲譌語失之

・詞薑二音

渠挈權疏渠疏杷杙也

〔方言五〕杷宋魏之間謂之渠挈或謂之渠疏〔注〕無齒爲杙又渠疏〔注〕云語轉也〔疏證〕廣雅渠挈謂之杷本此・挈諾豬反〔太〕  
〔平經卷二〕進次五進以權疏或杖之扶測曰進以權疏制于宗  
也・權音劬

礪礪平田器也

〔廣韻五入聲〕礪礪田器〔津逮秘書第四集陸龜蒙耒耜經〕耕而  
後有爬爬而後有礪礪焉有礪礪焉自爬至礪礪皆有齒礪礪  
觚稜而已・祿獨二音

鋤杷齒也

〔齊民要術一耕田〕耕荒畢以鐵齒鋤杷再徧杷之杷音俎侯切



又一種穀苗既出壟每一經雨白背時輒以鐵齒鋤。縱橫杷而勞之。

鈴鏑大犁也。

〔說文解字第十四〕鈴鏑大犁也。一曰類拾段氏注各本作相誤。今正又〔急就章第十二〕鈴鏑鉤銓斧鑿鈕。小顏注鈴鏑大犁之鐵。王氏補注鏑玉篇作鏑。說文巨淹徒果二切玉篇鈴乎潭巨廉二切鏑大罪大果二切。

鋁鈴鏑鏑也。

〔廣雅釋器〕鏑鋁鈴鏑鏑鋌也。〔疏證〕廣韻鈴二尺鋌也。各本皆脫鏑鏑二字。玉篇鏑小鋌也。鏑鋌也。集韻類篇鋌字注竝引廣雅鏑鏑鋌也。今據補按考工記冶氏爲殺矢刃長寸圍寸鋌入之注箭足入橐中者也。鋌鏑義自相通。然據廣雅集韻之文仍

應作鋌。鉛音似鈴。工納口。巾二反。鐵鑠。蔑牒二音。

攝。攷。擊穀杖也。

〔方言五〕僉宋魏之間謂之攝。攷或謂之度。自關而西謂之梔。或謂之拂。齊楚江淮之間謂之梔。或謂之梔。〔注〕僉今連柳所以打穀者。又攝攷注亦杖名也。攝殊二音。桔槔。輶輶。龍骨汲具也。

〔莊子外篇天地〕鑿木爲機。後重前輕。挈水若抽。數如泔。湯其名爲槔。又外篇天運。且子獨不見夫桔槔者乎。引之則俯。舍之則仰。〔釋文〕桔音結。〔說文解字第六〕桔。槔。汲水器也。从木。臯聲。古牢切。〔一切經音義十五〕輶輶。又作輶輶。二形同。蒼頡篇三輔舉水具也。卽汲水者也。力木力胡二反。〔古文苑〕揚雄答劉歆書。作繡補靈節。龍骨之銘。詩三章。〔注〕龍骨水車也。禁苑池沼中。

或用以引水

𪗇𪗇畚也

〔廣雅釋器〕𪗇𪗇。區畝畚也。〔疏證〕玉篇𪗇。小畚也。晉書天文志。天枳東七星曰扶筐。盛桑之器。主勸蠶也。扶與𪗇通。𪗇之庶反。廣韻。𪗇。筐𪗇也。𪗇之言貯也。所以貯米也。說文。𪗇。𪗇也。所以盛米。𪗇與𪗇聲近。義同。〔按〕集韻平聲二第十𪗇字注。博雅。𪗇。畚也。俱從𪗇。玉篇中由部。𪗇。𪗇俱從由。又由字注。側持切。缶也。此古文今作𪗇。又作由。

簦簦笠也

〔集韻平聲四〕簦。簦笠也。登。𪗇二音。

𪗇𪗇磴也

〔又上聲五〕𪗇。𪗇磴也。甫。𪗇二音。

甄甄礪礪磨也

〔廣雅釋詁〕礪礪希礪甄甄。剗挖差孽錯鑣指碕攢鑿斲砥磋磨也。〔按此訓錯磨之磨非礪磨之磨故於釋詁言之自集韻平聲二甄字注引博雅甄甄磨也人遂誤作礪磨解蓋由未檢原書故有此失讀廣雅原文當釋然矣。甄又佳反甄音爽〕〔集韻平聲一〕東齊謂磨曰礪礪。礪倫追切或从礪礪微尾二音指南記里鼓白鷺鸞旗辟惡皮軒耕根四望畫輪黃鉞豹尾建華皆大駕之副車也

〔古今注輿服第一〕大駕指南車起黃帝與蚩尤戰於涿鹿之野蚩尤作大霧兵士皆迷於是作指南車以示四方遂擒蚩尤而卽帝位故後常建焉舊說周公所作也周公治致太平越裳氏重譯來貢使者迷其歸路周公錫以文錦二疋駢車五乘皆爲

司南之制使越裳氏載之以南期年而至其國使大夫宴將送至國而還亦乘司南而背其所指亦期年而還以屬巾車氏收而載之常爲先導示服遠人而正四方車灋具在尙方故事漢末其灋中絕馬先生紹而作焉今指南車馬先生之遺灋也〔原注〕馬豹曹魏時人亦見通典六十四禮二十四玉海七十八車輿暨通考一百十七王禮十二

〔又〕大章車所以識道里也起於西京亦曰記里車車上爲二層皆有木人行一里下層擊鼓行十里上層擊鐃尙方故事有作車灋詳通考一百十七王禮十考十二載指南車及記里鼓車之制

〔通考一百十七王禮十

二〕白鷺車隋制一名鼓吹車車上施層樓樓上有翔鸞棲焉唐因之駕四馬大駕出在記里鼓後

〔又〕鸞旗車漢制爲前驅編

羽旄列繫幢旁晉宋因之駕四馬先路所載唐備於大駕鹵簿

次白鷺車後按獨斷曰鸞旗車俗人名之曰雞翹車非也鸞一作鸞  
古今注輿服第一辟惡車秦制也桃弓韋矢所以祓除  
不祥也通考一百十七王禮十二崇德車秦名爲辟惡車唐制  
駕四馬大駕出在鸞旗車後通典六十四禮二十四漢制皮  
軒車以虎皮爲軒晉宋相因大唐備之大駕鹵簿次於辟惡車  
後。玉海七十九車輿引司馬相如傳上林賦文穎注東京賦  
胡廣注又見西京雜記卷五所載漢朝輿駕又漢制耕根車  
如副車有三蓋一曰芝車晉因之一名三蓋車大唐因隋其飾  
不易大駕行則備焉按耕根漢制詳玉海七十九車輿又齊  
四望車通幟油幟絡斑漆輪轂亦曰皁輪車以加貴臣大唐之  
制以金飾駕四馬拜陵臨弔則乘之大駕出在安車後也通考  
一百十七王禮十二明遠車古四望車宋初駕以牛後改仍駕

四馬

通典六十四禮二十四晉制畫輪車駕牛以采漆畫輪

轂上起四夾杖左右開四望綠油纁朱絲青交絡其上形如輦

其下猶犢車貴者不乘大駕次羊車後也按晉書二十五輿服

志四望下作綠油幢朱絲絡青交路玉海七十九引同

又晉

制黃鉞車駕一馬大駕行次於華蓋後御廄左右大唐貞觀以

後加之備於大駕鹵簿古今注輿服第一金斧黃鉞也鐵斧

鉞也三代通用之以斷斬今以金斧黃鉞爲乘輿之飾

後漢

書輿服志上秦滅九國兼其車服故大駕屬車八十一乘法駕

半之屬車皆皂蓋赤裏木幡艾矛弩箠最後一車懸豹尾豹尾

以前比省中注小學漢官篇曰豹尾過後罷屯解圍胡廣曰施

於道路豹尾之內爲省中故須過後屯圍乃得解皆所以戒不

虞也按最後一車云云蔡邕獨斷文漢書揚雄傳上趙昭儀方

大幸每上甘泉常法從在屬車間豹尾中服虔注略同古今注  
輿服第一豹尾車周制也所以象君子豹變尾言謙也古軍正  
建之今唯乘輿得建焉通典六十四禮二十四豹尾車最後一  
乘晉因之在鹵簿之末大唐之制大駕出在黃鉞車後又晉  
制建華車二乘駕四馬大駕分在左右行自後無聞。晉書輿  
服志第十五同新唐書車服志第十四凡天子之車五路皆  
有副耕根車者耕籍所乘也安車者臨幸所乘也四望車者拜  
陵臨弔所乘也又有屬車十乘一曰指南車二曰記里鼓車三  
曰白鷺車四曰鸞旗車五曰辟惡車六曰皮軒車七曰羊車與  
耕根車四望車安車爲十乘。通考一百十七王禮考引唐制  
與新書同

金根大輅也



御覽七百七十四車部董巴輿服志曰殷瑞山車金根之色般人以爲大輅於是秦皇作金根之車漢承秦制爲乘輿卽孔子所謂乘殷之輅。制詳通典六十四通考一百十六玉海七十九車輿考

武剛輶輶戰車也

漢書衛青霍去病傳青令武剛車自環爲營注張晏曰兵車也集韻平聲三輶輶兵車唐郎二音

渠衝攻車也

荀子彊國篇是渠衝入穴而求利也注渠衝攻城之大車也閹豬獵車也

後漢書輿服志上獵車一曰閹豬車親校獵乘之原注魏文帝改曰闔虎車又晉書輿服志第十五獵車一名闔戟車一名蹋

猪車。魏文帝改名蹋獸車。闕敵盍切音蹋。闕迄及切音吸。  
羸蘭喪服車也。

〔周禮春官巾車〕木車蒲蔽注。鄭司農云。謂羸蘭車以蒲爲蔽。天子喪服之車。漢儀亦然。〔疏〕漢時有羸長蘭乘不善之車。故舉以說之也。〔按〕羸釋文作羸云。魯火反。劉又音果。阮氏校勘記謂王伯厚漢制考載此注亦作羸。从果者俗字。今考通雅三十五器用類引周官蒲蔽注。羸又作羸。似與羸長蘭姓名較合。然他無所見也。姑錄之以備考。

道軌鹿車也。

〔廣雅釋器〕羅車謂之麻鹿道軌。謂之鹿車。〔疏證〕方言羅車。趙魏之間謂之輶。輶車東齊海岱之間謂之道軌。輶輶與麻鹿同。又〔方言九〕車下鉄。陳宋淮楚之間謂之畢。大者謂之基。注鹿車也。

疏證此言維車之索故郭璞注云鹿車也。○道同道

慈靈輜車也。

左傳定公九年載慈靈寢於其中而逃注慈靈輜車名釋文慈

初江反或音怒阮氏按勘記毛本慈作慈注及下同

蟬圍雕車也。

淮南子說林訓古之所爲不可更則推車至今無蟬圍注蟬圍

車類圍讀如孔子射於矍相之墾莊氏按說文解字竹部有簠

字云收餘者也方言簠椁也郭璞注所以絡絲也然則蟬圍卽

簠字矣依義推車之推亦當爲維

俾倪車杠也。

急就章第十九蓋椽俾倪梘縛棠小顏注俾倪持蓋之杠在軾

中央環爲之所以止蓋弓之前却也王氏補注唐鹵簿有俾倪

十二今日睥睨。俾匹詣反倪音詣

鞋韉車薦也。

又同上韉鞋鞋韉鞍鑣錫廣雅釋器鞋韉謂之韉釋名釋車第  
二十四鞋韉車中重薦也。杜薄二音  
隱囊車中鞅也。

顏氏家訓勉學第八梁朝全盛之時貴游子弟無不薰衣剃面  
傅粉施朱駕長簷車跟高齒屐坐綦子方褥憑斑絲隱囊從容  
出入望若神仙當爾之時亦快士也急就章第十九韉鞋小顏  
注韉韉囊在車中人所憑伏也今謂之隱囊。鞅音伏  
曲絢車紂也。

方言九車紂自關而東周洛韓鄭汝潁而東謂之鞅或謂之曲  
絢或謂之曲綸自關而西謂之紂疏證考工記必緒其牛後鄭

注云關東謂紂爲縉緇亦作縉說文云馬紂也廣雅縉紂縉也  
本此

箘籠車枸篋也

〔又同上〕車枸篋宋魏陳楚之間謂之箘或謂之箘籠其上約謂  
之箘或謂之箘秦晉之間自關而西謂之枸篋西隴謂之楡南  
楚之外謂之箘或謂之隆屈〔枸篋注〕卽車弓也音縵〔箘籠注〕  
隆兩音〔疏證〕劉熙釋名云隆強言體隆而強也或曰車弓似弓  
曲也

箘篋車箘箘也

〔廣雅釋器〕陽門箘篋。雀目箘箘也。〔疏證〕玉篇箘車箘管也。太平  
御覽引郭林宗別傳云宿仲琰柴車駕牛編荆爲當當與箘通  
箘篋通作屏星續漢書輿服志注引謝承書云別駕車前有屏

鍋鉷鑿鉷也。

又同上。鑊。鉞。釭也。疏證說文釭車轂口鐵也。釋名云釭空也。其中空也。凡鐵之空中而受柄者謂之釭。方言車釭燕齊海岱之間謂之鉞。或謂之鉞。自關而西謂之釭。鉞釋名作輶云輶裏也。裏輶頭也。按方言卷九又云盛膏者乃謂之鍋。今本鉞皆作鍋。疏證鍋鉞同。

鵠頭軒轉轆轤柳車也。

[illegible]



艚。艚。艚。舟也。疏證集韻。舳舻大艚也。吳志呂蒙傳云。盡伏其精兵。舳舻中。藝文類聚引物理論云。工匠經涉河海爲舳舻。以浮大川。北堂書鈔云。豫章舳舻洲在城之西南。作舳舻大艚之處。水經。贛水注作谷鹿洲。並字異而義同。舳舻。鉤鹿二音。玉篇中舟部。舳。舻。舟名。舳。渠之切。舻。力之切。說苑十一。

善說鄂君子皙乘青翰之舟。極蒨芑張翠蓋而檢犀尾。御覽七百六十八舟部。釋名曰。舟名青翰。千翼赤馬亦名鵠首。按今釋名無此文。又七百七十舟部。周處風土記曰。小曰舟。大曰船。溫麻五會者。永寧縣出豫林合五板以爲大船。因以五會爲名也。晨。鳧卽青桐大船名。諸葛恪所造鴨頭船也。預樟枓。枕諸木皆以多曲理盤節爲堅勁也。浩。漂者言船之在水如蓮花散落浮於川也。漂音縹匹沼切。廣韻一上平聲。舳舻。船貌。又集



韻平聲一解舩舟名博雅解舩舟也按此廣雅釋水文已見上  
集韻一从舩一从舩鬱儀作解本此。解胡江切博雅作解音  
扶江切舩音古雙切廣韻五入聲解舩大船。解音歇舩音  
皇

舩舩舩舩小舟也舩舩蒙舩冒突露橈戰船也

舩舩舩舩無舩蒙舩見廣雅釋水詳上船宿注又疏證無舩猶  
抵當也玉篇蒙舩戰船也字本作蒙衝後漢書禰衡傳云黃祖  
在蒙衝船上大會賓客船之有蒙衝猶車之有衝車蒙冒也衝  
突也釋名云外狹而長曰蒙衝以衝突敵船也又玉篇舩舩小  
舟也小舟謂之舩舩小蝗謂之舩舩義相近也藝文類聚引宋  
元嘉起居注云餘姚令何玠之造作舩舩一艘精麗過常按廣  
韻四去聲舩舩水戰船出字林又集韻平聲一舩字注博雅蒙

艚舟也通作蒙。舳側格反。艚音猛。舳音諦。當二音。〔集韻平

聲三〕舳船注博雅舳舳舟也。或从百。舳音涓。舳古可反。〔後

漢書岑彭傳〕於是裝直進樓船冒突。露橈數千艘。注並船名。樓

船之上施樓橈小檣也。爾雅曰檣謂之橈。露橈謂露檣在外人

在船中冒突取其觸冒而唐突也。橈音饒。

舳舳海船也。

〔初學記器用部舟第十一〕埤蒼曰海中船曰舳舳。又見上舳宿

注。郎鄒二音。

渾斗挹水者。

〔廣雅釋器〕渾斗謂之樞。疏證卷二云。屏挹也。說文挹挹也。太平

御覽引纂文云。渾斗挹水斗也。廣韻云。屏斗舟中漑水器也。屏

與渾同。虎戶二音。樞音怡。

牂牁杙也。

漢書地理志上牂牁郡注牂牁係船杙也華陽國志云楚頃襄王時遣莊躋伐夜郎軍至且蘭舂船於岸而步戰旣滅夜郎以且蘭有舂船牂牁處乃改其名爲牂牁杙音弋。牂音臧牁後漢書郡國志第二十三作牁升菴文集六十三字學類漢有牂牁郡字一作牁歌其字从弋弋杙也繫船木也說文與漢書注舊解如此牂牁今貴州地也其江水迅疾難於濟渡立兩杙於兩岸中以繩絙之舟人循繩而渡子過其地見盤江與崇安江皆然因悟古人制字之義郭忠恕佩觿集云牁歌从戈謬之甚矣按此條正字通弋部引之牁作牁謂別作牁非

五兩候風扇也。

御覽七百七十二舟部淮南子曰若統之候風也原注許慎曰

統候風扇也。楚人謂之五兩。按今本淮南子齊俗訓高注無扇字。統作俛。北堂書鈔舟部一十引許注扇又作羽。此从御覽本簞律。簞角。獮獫捕鳥者。

〔玉篇中竹部〕簞同筭。律以捕鳥也。〔又〕簞呂恤切。簞角以射

鳥。又同筭。〔集韻入聲九〕簞律注竹管以射鳥。或从律。〔廣韻一

上平聲〕獮獫所以粘鳥。丑知切。〔又五入聲〕獮獫捕鳥。山賁切。〔集韻入聲十〕獮字注同。

籠。簞。漫泔。典梁取魚者。

〔廣韻一上平聲〕籠。簞。取魚器。〔簞音叢〕〔廣雅釋器〕漫泔。桺也。

〔疏證〕說文桺以柴木。雖水也。郭璞江賦云桺澱爲泔。桺者叢積之名。爾雅樛謂之泔。郭注云今之作樛者。叢積柴木於水中。魚得寒入其裏。藏隱因以薄圍捕取之。漫泔皆壅積之意。卷二云

漫漬也說文泔漬也漬積聲相近雨水漸漬謂之漫亦謂之泔  
柴木壅積謂之泔亦謂之漫其義一也。優岑二音。又曲梁  
謂之罍疏證周官獻人掌以時獻爲梁鄭衆注云梁水偃也偃  
水爲闕空以笱承其空說文笱曲竹捕魚笱也罍曲梁寡婦之  
笱魚所罍也曲各本譌作典。此猶沿舊本作典

罍兔罍也

罍當作罍廣雅釋器罍兔罍也疏證說文罍兔罍也罍曹憲  
音互玉篇廣韻並同各本罍譌作罍音內互字又譌作牙集韻  
類篇罍牛加切兔罍也則宋時廣雅本已誤考說文玉篇廣韻  
皆作罍不作罍今據以訂正玉篇罍部末有罍字音牙兔罍也  
乃宋人依誤本廣雅增入者不可引以爲據罍之言覆也說文  
罍覆車网也引王風兔爰篇雉離于罍或作罍又云罍兔罍也

月令置罟羅網畢翳鄭注云獸罟曰罟罟釋文罟本又作罟罟  
罟罟罟並同

罟罟魚網也

〔文選西京賦〕設罟麗〔注〕國語里革曰罟禁罟麗韋昭曰罟麗小  
網也〔按〕今影宋本國語魯語作禁罟罟麗補音本無罟字又於  
注文罟當爲罟改云罟當爲罟殊繆荀子成相篇楊倞注引亦  
作禁罟罟麗賈逵曰罟麗小罟也韋與賈同 獨鹿二音

簾簾筍也

〔集韻平聲二〕簾簾竹名一曰捕魚筍入而不可出。簾通潘切

簾子干切

簾簾竹網也

〔又同上〕簾簾小竹網或作簾。簾當作簾音簾簾音施



持節問之。篋輿前。叩視。泄公注。篋輿者。編竹木以爲輿形。如今之食輿矣。篋音鞭。

繆牽馬轡也。

國策韓策。王良之弟子。駕千里馬。遇造父之弟子。曰。馬不千里。王良弟子曰。馬千里之馬也。而不能取千里。何也。曰。子繆牽長。按文選。張華勵志詩。繆牽之長。實累千里。注。千里之馬。繫以長索。則爲累矣。劉良注。繆。索也。繆音墨。

韉韉。韉韉。韉具也。

廣韻五入聲。韉韉。韉具。出新字林。帖燮二音。集韻平聲一。

韉韉。韉飾。或从夆。按宋太宗御書急就章第十九。靳韉韉。韉色。焜煌。顏本韉作韉。韉音丰。韉音茸。

韉韉。馬勒也。



廣雅釋器羈勒也疏證說文勒馬頭絡銜也釋名云勒絡也絡其頭而引之也說文羈馬絡頭也或作羈經傳省作羈玉篇轡古核切勒也廣韻轡轡首也爾雅轡首謂之革郭注云轡鞮勒轡鞮革並同

扇汗排沫勒旁鐵也

詩碩人釋文朱幘飾也說文云馬纏鑣扇汗也又鑣表驕反

馬銜外鐵也一名扇汗又曰排沫沫音末

龍茲龍疏蒲蓋席也

荀子正論篇琅玕龍茲華覲以爲寶注龍茲未詳或曰茲者藉

席之名按爾雅釋器蓐謂之茲注茲者蓐席也正義以龍鬚草

爲之謂之龍茲新序雜事第二無鹽女曰漸臺五重黃金白

玉琅玕龍疏翡翠珠璣莫落連飾萬民疲極此二殆也按龍疏

卽龍茲疏鬚音相近或曰茲與髭同蓋戶臘溝艾二反

筇筍竹席也

〔廣雅釋器〕筇筍〔疏證〕此條內有脫文不可復考集韻筇卽丁切筇馳貞切云廣雅筇筍竹席按上文簞與簾條皆是竹席則竹席不獨筇筍蓋竹席二字乃集韻釋廣雅之辭非廣雅原文也桃筍細簞也

〔文選〕吳都賦桃筍象簞韜於筒中〔劉淵林注〕桃筍桃枝簞也吳人謂簞爲筍

簾曲簾條簾揜符唐倚佯麻簾也

〔方言〕五簞宋魏之間謂之筍或謂之簾〔註〕自關而西或謂之簾或謂之筍其麤者謂之簾條自關而東或謂之簾揜〔注〕江東呼簾條爲簾音廢〔疏證〕廣雅筍筍簾簾條筍席也簾揜謂之簾條

皆本此簣。按古通用。又詩抑風籊籊。不鮮籊籊。本粗竹席。用爲困者之名。不可使俯之疾。似之。故晉語曰。籊籊不可使俯。按集韻入聲九苗字。注說文蠶薄也。或作苗。亦从竹。通作曲。籊籊渠除二音。簣音盍。按音刻。又符簣。自關而東。周洛楚魏之間。謂之倚。佯。自關而西。謂之符簣。注似籊籊直文。而麤江東呼簣音𦵏。疏證倚佯亦作倚陽。廣雅簣倚陽符簣也。本此玉篇云符簣竹筴。筴麤籊籊也。符音行。簣唐古通用。佯音羊。橫裕小被也。

玉篇下衣部。橫裕小被。○集韻平聲四橫字。注引字林。同橫音。橫裕都盍切。

幌帳帳也。

集韻平聲三博雅。帟幌帳也。或从帟。又幌幌。帟注周禮幌氏掌。

凍絲帛或省亦从亡玉篇下巾部幌火光莫郎二切幪也隔也  
廣韻二下平聲幌蒙掩按集韻引博雅作帟幪此作幌幪蓋帟  
與幪近幪本幌之省文此仍轉而爲幌耳又廣雅釋器幪帟襜  
褕帟幪也疏證玉篇帟巾也各本幪下脫也字遂與下條相連  
集韻類篇幪帟襜褕四字注並引廣雅幪也則宋時廣雅本已  
脫也字衆經音義卷十八二十一竝引廣雅帟幪也今據以訂  
正○此尙沿舊本從集韻類篇說幌音荒幪音襍  
幪幪幪也

廣雅釋器幪幪幪也疏證說文幪帷也釋名云幪廉也自障蔽  
爲廉恥也字或作簾觀禮疏引禮緯云大夫以簾士以帷釋名  
云牀前帷曰檐檐與幪同檐與幪皆是障蔽之名幪謂之幪亦  
謂之檐屋栢謂之栢亦謂之檐檐與幪檐聲近而義同也

• 幘布迷反幘叱占反幘音廉

伏虎械窬溺器也

〔按〕伏虎卽虎子褻器也見周禮天官玉府鄭司農注說文繫傳通釋第十一引西京雜記李廣與兄射獵冥山之北見伏虎一矢中之以其頭爲洩器今人鑄銅象之爲洩器示服猛也今西京雜記卷五伏虎作卧虎又北堂書鈔一百三十五服飾部伏虎四十一錄異傳云吳時嘉興倪彥思忽見鬼魅入其家能與人語飲食如生唯不見形彥思乃延道士逐之酒殽旣設道士便擊鼓召諸神魅乃取伏虎於神坐吹作角聲以亂音有頃道士忽覺背中冷驚起解衣乃伏虎也亦見千寶搜神記卷十七文不悉載

〔說文解字第六〕械窬褻器也从木威聲於非切又〔史記萬石君列傳〕見卷三釋宮械寶注〔按〕廁廁之解有二一謂

牖爲築垣短版厠牖謂厠溷垣牆建隱於其側浣滌也一讀牖爲竇言建又自洗滌厠竇索隱以前說爲非此從後說

糾纒索也

史記屈原賈生列傳夫禍之與福兮何異糾纒集解應劭曰禍福相爲表裏如糾纒繩索相附會也瓚曰糾絞也纒索也音墨

師比犀毗帶鉤也

國策趙策遂賜周紹胡服衣冠且帶黃金師比以傳王子也。

且鮑注本作具字又作貝見盧本續注引史記匈奴傳及漢書要義引戰國策比與毗通類脂切漢書匈奴傳上黃金飭具

帶一黃金犀毗一注犀毗胡帶之鉤也亦曰鮮卑亦謂師比總

一物也語有輕重耳按史記犀毗作胥紕索隱曰胥犀聲相近

或誤張晏云鮮卑郭洛帶瑞獸名也東胡好服之戰國策云趙武靈王賜周紹具帶黃金師比延篤云胡革帶鉤也則此帶鉤亦名師比則胥犀與師並相近而說各異耳班固與竇憲牋云賜犀比金頭帶是也。飭史記作飾落漢書注作洛魮或从毗隸作毗

蒙須蒯緱也

國策趙策且夫吳干之劍材難夫無脊之厚而鋒不入無脾之薄而刃不斷兼有是二者無鈎竿鍾蒙須之便操其刃而刺則未入而手斷鮑彪注蒙須疑爲劍繩猶蒯緱也史記孟嘗君列傳馮先生甚貧猶有一劍耳又蒯緱索隱蒯草名音蒯聵之蒯緱謂把劍之物言其劍無物可裝但以蒯繩纏之故云蒯緱也

• 緱古侯居侯二切

條達雜組也。

〔初學記〕歲時部五月五日第七〔周處風土記〕曰仲夏端午造百索繫臂又有條達等織組雜物以相贈遺

流蘇纂綵也。

〔文選〕東京賦駙承華之蒲捎飛流蘇之騷殺〔薛綜注〕流蘇五采毛雜之以爲馬飾而垂之犖虞決疑要注曰凡下垂爲蘇又〔西京雜記〕卷一〔昭陽殿〕壁帶往往爲黃金釭含藍田璧明珠翠羽飾之上設九金龍皆銜九子金鈴五色流蘇帶以綠文紫綬金銀花鐻又通考一百四十樂十三凡龔虞飾以崇牙流蘇樹羽〔原注〕上則樹羽旁縣流蘇周制也又〔海錄碎事〕五衣冠服用部引古樂府珠屏玳瑁牀綺席流蘇帳又引倦遊錄流蘇者乃盤線繪繡之毬五色錯爲之同心而下垂者是也又〔升菴文集〕七



十二雜類俗遊錄述流蘇之制但云五綵同心而下垂者莫能言其始黃公紹書林亦止引晉書割流蘇爲馬幟皆後世幟幟間所懸耳古者流蘇蓋樂器之節前漢書禮樂志薛瓚注作流遡周禮金鐻節鼓鄭元注云後世合宮懸用之而有流蘇之飾樂器而用以爲幟幟之懸則晉以後始也按流蘇之用不一非僅施於幟幟若東京賦西京雜記所載皆東漢以前事也升菴僅舉禮樂志臣瓚注以流遡釋流蘇不足以引申其說至金鐻節鼓云云見地官鼓人今鄭注並無此文所未詳也又按周樂懸之制僅有樹羽見周頌有瞽章又曰璧瓚見禮明堂位注云周人畫綉爲瓚載以璧垂五采羽其下不言流蘇今考前書相如傳蒙鵬蘇孟康注曰蘇析羽也乃知古之流蘇本以五采羽爲之後乃用盤綫繪繡之毬如俗遊錄所云不知起於何代也

麗元英文昌雜錄卷五亦謂流蘇五采毛雜而爲之引摯虞決疑要注及東京賦爲證文不備錄

鉗鉤鉸飾也

玉篇中金部鉗鉤鉸飾也。扶侯於侯二切

銀鐙鎖也

說文解字第十四銀鐙鎖也後漢書崔實傳卓收烈付郿獄銅之銀鐙鐵鎖注前書曰人犯鑄錢以鐵鎖銀鐙其頸銀音郎鐙音當。互詳下琅璫鐸也注

鉤鐙環也

廣雅釋器鐙鉤鐙銀也疏證鐙古通作環說文鉤大環也一環貫二者廣韻鐙重環也鐙與鉤聲相近。鉤莫回切鐙音慘一作鐙義同

鉶。鉶。鉶也。

又同上。鋪。鋪。鉶也。疏證。鉶或作箴。說文。鉶。綦。鉶也。玉篇亦云。長。鉶也。管子。輕重乙篇云。一女必有一刀一錐一箴一鉶。然後成爲女。廣韻。鉶。連。鉶也。靈樞經。九鉶論云。長。鉶取法於綦。鉶長七寸。綦與鉶同。集韻去聲七。博雅。鉶。鉶。鉶也。一曰。秤。綽。術忌二音。

撲滿。蓄錢具也。

西京雜記卷五。公孫宏以元光五年爲國士。所推尙爲賢良國。人鄒長倩以其家貧少自資。致乃解衣裳以衣之。釋所著冠履以與之。又贈以芻一束。素絲一襪。撲滿一枚。書題遺之曰。撲滿者。以土爲器。以蓄錢具。其有入竅而無出竅。滿則撲之。土麤物也。錢重貨也。入而不出。積而不散。故撲之上有聚歛而不能散。

者將有撲滿之敗可不誠歟故贈君撲滿一枚

筭專匱璇簿毒也

〔方言五〕簿謂之蔽或謂之籥秦晉之間謂之簿吳楚之間或謂之蔽或謂之箭裏或謂之簿毒或謂之𣦵專或謂之匱璇〔注〕𣦵于辯反專音轉匱璇或曰竹器所以整頓簿者銓旋兩音疏證簿博古通用說文云簿局戲也六箸十二棋也荀子大略篇六貳之博楊倞注云卽六博也今之博局亦二六相對也。筭當作𣦵字書無筭字

瓊嬰骰也

〔列子說符篇〕設樂陳酒擊博樓上〔注〕古博經曰擲采以瓊爲之瓊嬰方寸三分長寸五分銳其頭鑲刻瓊四面爲眼亦名爲齒

• 嬰音則骰音頭

樗蒲六博格五蹴鞠藏鈞擊壤彈棋四維夾食悁悶詭億戲具也  
御覽七百五十四工藝部樗蒲博物志曰老子入胡日作樗蒲  
焉按今本博物志無此文蒲同蒲楚辭招魂葦葢象碁有六  
簿些王逸注投六箸行六碁故爲六簿也簿一作博洪興祖補  
注說文云局戲也六箸十二碁也又西京雜記卷四許博昌安  
陵人也善陸博寶嬰好之常與居處其術曰方畔揭道張張畔  
揭道方張究屈乎高高乎屈究張又曰張道揭畔方方畔揭道  
張張究屈乎高高乎屈究張三輔兒童皆誦之法用六箸或謂  
之究以竹爲之長六分或用二箸博昌又作六博經一篇今世  
傳之按唐李翱五木經備詳其法漢書吾邱壽王傳年少以  
善格五召待詔注蘇林曰博之類不用箭但行梟散孟康曰格  
音各行伍相各故言各劉德曰格五碁行簪法曰塞白乘五至

五格不得行故云格五師古曰卽今戲之簪也音先代反

御

覽七百五十四工藝部郭璞三蒼解詁曰鞠毛丸可踢戲劉向別錄曰蹴鞠者傳言黃帝所作或曰起戰國時記黃帝蹴鞠兵勢也所以練武士知有方也今軍師無事得使蹴鞠有書二十五篇。蹴音蹙鞠音拘

荆楚歲時記歲前又爲藏彊之戲原

注按周處風土記曰醇以告蜡竭恭敬于明祀乃有藏彊臘日之後叟嫗各隨其儕爲藏彊分二曹以校勝負辛氏三秦記以爲鈞弋夫人所起周處成公綏竝作彊字藝經庾闡則作鈞字其事同也俗云此戲令人生離有禁忌之家則廢而不修

御

覽七百五十五工藝部風土記曰擊壤者以木作之前廣後銳長可尺三四寸其形如履臘節僮少以爲戲分部如擲博也藝經曰將戲先側一壤於地遙於三四十步以手中壤蔽之中者

爲上

〔又〕藝經曰彈碁二人對局黑白碁各六枚先列碁相當

下呼上擊之彈碁經序曰彈碁者仙家之戲也昔漢武帝平西域得胡人善蹴鞠者蓋衍其便捷跳躍帝好而爲之羣臣不能諫侍臣東方朔因以此藝進之帝就捨蹴鞠而上彈碁焉魏文帝彈碁賦曰局則荆山妙璞骨若柔荑碁則元木北幹素樹西枝象籌列植下據雙螭

〔又〕晉李秀四維賦序四維戲者衛尉

贊侯所造也畫紙爲局截木爲碁取象元一分而爲二準陰陽之位擬剛柔之象而變動無爲生乎其中

〔又〕藝經曰夾食者

二人黃黑各十七碁橫列於前第四道上甲乙迭推二碁夾一爲食碁不得食兩不得邊食不由道則不行碁入夾不取食一碁爲籌賭多少隨人所制

〔又〕藝經曰惜悶先布本位以十二

時相從文曰同有文章虎不如龍豕者何爲來入兔宮王孫晝

卜乃造黃鍾犬往就馬非類相從羊奔蛇穴牛入雞籠。媚音。  
後漢書梁冀傳翼性嗜酒能挽滿彈棋格五六博蹴鞠意  
錢之戲注何承天纂文曰詭億一曰射意一曰射數卽攤錢也  
• 詭古委切音塊

握槊博簫雙陸也

通雅三十五器用類握槊長行局波羅塞雙陸要一類也後魏  
李邵曰曹植作長行局胡王作握槊亦雙陸也唐李肇國史補  
曰今之博戲長行局子其法生於握槊鄱陽洪遵作譜雙以握  
槊長行波羅雙陸四名爲一要是相近。槊所角切莊子外  
篇駢拇臧與穀二人相與牧羊而俱亡其羊問臧奚事則挾筴  
讀書問穀奚事則博塞以遊釋文博塞悉代反塞博之類也漢  
書云吾邱壽王以善格五待詔謂博塞也說文解字第五博局



# Index

二、

夫

並音石

並音石

並音石

韻云篇簿書策也策之言葉也與簡牒之牒同義故文心雕龍云牒者葉也短簡編牒如葉在枝策與篇一聲之轉說文穎川人名小兒所書寫爲筓學記呻其佔畢春秋齊陳書字子占佔占竝與筓同爾雅云簡謂之畢筓亦簡之類故學記以佔畢連文鄭注以佔爲視於文爲不辭矣玉篇籒篇也廣韻云札也。筓丁頰反籒力第反策音葉籒集韻上聲六引作籒平免切陟釐赫𪔐𪔐𪔐紙也。

〔御覽六百五文部〕拾遺記曰張華獻博物志賜側理紙萬番南越所獻也漢人言陟釐與側理相亂南人以海苔爲紙其理縱橫表側因以爲名〔按〕今本拾遺記卷九載此文陟釐作陟里餘同〔漢書外戚傳下〕武發篋中有裏藥二枚赫𪔐𪔐〔注〕孟康曰𪔐猶地也染紙素令赤而書之若今黃紙也鄧展曰赫音兄弟

闕牆之闕應劭曰赫蹏薄小紙也晉灼曰今謂薄小物爲闕蹏  
鄧音應說是也師古曰孟說非也今書本赫字或作擊 玉篇  
下巾部 幘幘赤紙也 許格大兮二切  
不律筆也

爾雅釋器不律謂之筆注蜀人呼筆爲不律也語之變轉說文  
解字第三楚謂之聿吳謂之不律燕謂之弗又秦謂之筆从聿  
从竹鄙密切

隃麋墨也

北堂書鈔一百四藝文部蔡質漢官儀云尙書令僕丞郎月賜  
隃麋大墨一枚小墨一枚按初學記文部墨第九引漢書又引  
蔡質漢官無儀字隃俱作渝御覽六百五文部引蔡質漢官與  
初學記同又按書鈔御覽並引范子計然云墨出三輔考漢書

地理志隃麋爲右扶風二十一縣之一師古曰隃音踰似當作此隃字。踰音二音

簧牌簡籛籍也

簡當作籛廣雅釋器籛籛簧牌籍也又玉篇中竹部籛籛戶籍也。口淺先遣二切

傳別券也

周禮秋官士師凡以財獄訟者正之以傳別約劑注故書別爲辨鄭司農云傳或爲付辨讀爲分別之別若今時市買爲券書以別之各得其一訟則按券以正之按王氏漢制考辨作辨付作符阮氏按勘記謂大字本錢鈔本嘉靖本皆作辨作辨者誤也當訂正

過所符傳也

又地官司關凡所達貨賄者則以節傳出之注傳如今移過所。文書釋文傳張戀反漢書文帝紀十二年除關無用傳注張晏曰傳信也若今過所也李奇曰傳檄也師古曰古者或用檄或用繒帛檄者刻木爲合符也又釋名釋書契第十九傳轉也轉移所在執以爲信也亦曰過所言過所至關津以示之也零丁事狀也。

御覽五百九十八文部戴良字文讓失父零丁曰敬白諸君行路者敢告重罪自爲禍積惡致災天因我今月七日失阿爹念此酷毒可痛傷當以重贈用相償請爲諸君說事狀我父軀體與衆異脊背偃僂捲如戟。此據續古文苑所錄本今本御覽行路作路行爲字下缺一禍字災字下多一交字毒字下多一良字重字下多一幣字償作賞。

擗卯。箕牡。枘鑿也。

丹鉛總錄訂訛類近峯間略說木工擗卯字引伊川語錄云枘鑿者擗卯也。擗卯圓則圓。擗卯方則方。又引契箕如室新構而去其鑿契注鑿契箕也。又引金史張中字制小舟不假膠漆而首尾相鉤帶謂之鼓子卯。余按擗卯字當作箕。牡。箕字出考工記及文選注而漢書五行志所謂門牡者義取牝牡蓋枘者刻木端以入鑿有牡之象。鑿者空其竅以受枘有牝之象。箕牡二字蓋亦古矣。擗卯字蓋亦後人撰借耳。按金史七十九列傳十七載張中孚弟張中彥手製小舟纔數寸許不假膠漆云云諸匠無不駭服是小舟之製乃中彥非中孚且非中字也。陳無功庶物異名疏卷十一鼓子卯一條亦沿丹鉛之誤皆由不考原書耳。又按擗集韻上聲五作樺音筍从木不从才。箕音筍。

銚銀小鑿也

銚當作銚集韻上聲六銚銚小鑿也。銚音跳銚音現

剗曲刀也

楚辭哀時命握剗剗而不用兮操規槩而無所施王逸注剗剗刻鏤刀也洪興祖補注剗居綺切剗居衛切又九月切應劭曰剗曲刀剗曲鑿說文云剗剗曲刀也

梓宮天子棺也

漢書霍光傳賜金錢繒絮繡被百領衣五十篋璧珠璣玉衣梓宮便房黃腸題奏各一具梓宮注服虔曰棺也師古曰以梓木爲之親身之棺也爲天子制故亦稱梓宮

黃腸柏椁也

又霍光傳注服虔曰便房藏中便坐也蘇林曰以柏木黃心致

累棺外故曰黃腸。木頭皆內向故曰題湊如淳曰漢儀注天子陵中明中高丈二尺四寸周二丈內梓宮次榧柳柏黃腸題湊。師古曰便房小曲室也如氏以爲榧木名非也。  
黃翼聚儻棺飾也。

〔禮檀弓下〕是故制絞衾設黃翼。〔注〕絞衾尸之飾黃翼棺之牆飾。周禮黃作柳。絞戶交反黃音柳翼所甲反。〔莊子外篇達生〕自爲謀則苟生有軒冕之尊死得於豚楯之上聚儻之中則爲之。〔釋文〕司馬云聚儻器名也今冢壙中注爲之一云聚儻棺柳也。一云聚當作敢才官反儻當作黃力久反謂殯於敢塗黃翼之中。

榻。枅。枅。枅也。

〔左傳昭公二十五年〕惟是榻枅所以藉幹者請無及先君。〔注〕榻



柎棺中荅牀也。駢附二音

咸繩棺束也。

〔禮喪服大記〕君封以衡大夫士以咸〔注〕封周禮作窆窆下棺也咸讀爲緘今齊人謂棺束爲緘繩

塋周土棺也。

〔又檀弓上〕夏后氏塋周〔注〕火熟曰塋燒土冶以周於棺也或謂之土周由是也〔疏〕謂鑿土爲陶冶之形大小得容棺故云燒土冶以周於棺也曾子問云下殯土周葬於園云由是者燒土周棺得喚作土周。塋子栗反又音稷

罨孟東夷棺也。

〔太平廣記〕一百九十七博物〔天監五年〕丹陽山南得瓦物高五尺圍四尺上銳下平蓋如合焉中得劍一資具數十時人莫識

沈約云此東夷菴。孟也。葬則用之代棺。此制度卑小。則隨當時矣。東夷死則坐葬之。武帝服其博識語。在江右雜事原注出史系。轡音奄。

芻靈殉偶人也。

禮檀弓下塗車芻靈。自古有之。又孔子謂爲芻靈者善。謂爲俑者不仁。釋文以人從死曰殉。束茅爲人馬曰芻靈。俑者偶人音勇。

豐碑桓楹下棺具也。

又同上。夫魯有初。公室視豐碑。三家視桓楹。注言視者時僭天子也。豐碑斲大木爲之。形如石碑。於槨前後四角樹之。穿中於間。爲鹿盧下棺以綽繞。天子六綽。四碑前後各重鹿盧也。又時僭諸侯斲之。形如大楹耳。四植謂之桓。諸侯四綽。二碑。碑如桓。

矣大夫二綵一碑士二綵無碑・綵音律

牆居薰籠也

〔方言五〕簞陳楚宋魏之間謂之牆居〔注〕今薰籠也

方麴便面也

〔北史楊愔傳〕後有選人魯漫漢自言猥賤獨不見識愔曰卿前在元子思坊騎禿尾草驢經見我不下以方麴鄣面我何不識卿漫漢驚服〔丹鉛總錄物用類〕讀者不解方麴爲何語〔按〕方言薄謂之曲此云方麴障面蓋竹織方扇也。麴同麴竝音鞠靈節柳櫪杖也

〔古文苑揚雄答劉歆書〕詳上龍骨又〔注〕靈節靈壽杖也〔丹鉛

總錄詩話類〕李屏山達磨贊所謂柳櫪者稱杖也〔按〕柳櫪一作柳栗集韻入聲九柳栗木名翻譯名義十四隄椎道具篇第六

十一刺謁節此云杖頌云柳栗橫擔不顧人直入千峰萬峰去  
庶物異名疏器用部引之云丹鉛錄作柳樾

櫬盪負戴器也

說文解字第五盪从皿須聲櫬盪負戴器也。渠往相戾二切  
筓箕輦帶也

廣雅釋器筓箕輦帶也疏證方言車枸簍其上約謂之筓或謂  
之箕郭注云卽輦帶也筓亦約也箕之言纒也。筓蒲角切音  
雹箕莫獲切音麥輦步本反

褙囊幪兜褙篋飲馬橐也

飲當作飢方言五飢馬橐自關而西謂之褙囊或謂之褙篋或  
謂之幪篋燕齊之間謂之幪注褙音鵠疏證飢卽古飼字各本  
訛作飲字說文篋飢馬器也飢亦訛作飲玉篇篋飼馬器也可

據以訂正二書·筩與兜通

祛極驢負版也

〔玉篇中木部〕祛去諸切祛極也〔又極其輒切驢上負版廣韻一上平聲〕祛板置驢上負物〔又五入聲〕極驢上負版

胙腰遏水版也

〔玉篇下片部〕胙腰所以遏水也〔集韻平聲二〕胙腰遏水版·玉篇是朱力朱二切〔集韻備朱龍珠二切〕

露卯屐齒也

〔晉書五行志上〕舊爲屐者齒皆達楯上名曰露卯太元中忽不徹名曰陰卯

桁楊長械也

〔莊子外篇在宥〕今世殊死者相枕也桁楊者相推也刑戮者相

望也而儒墨乃始離跂攘臂乎桎梏之間釋文桁戶剛反司馬云廊長械也楊向音揚崔云械夾頸及脰者皆曰桁楊接櫓桎梏梁也

又同上吾未知聖知之不爲桁楊接櫓也仁義之不爲桎梏繫桎也釋文接櫓桎梏梁也淮南曰大者爲柱梁小者爲接櫓也按今本淮南子主術訓作大者以爲舟航柱樑小者以爲楫楔•接李如字向徐音變郭慈接反櫓郭李音習向徐徒變反司馬云接櫓械楔音息節反崔本作櫓云讀爲牒或作謂字

駢雅卷四訓纂八終

駢雅卷四下

訓纂九

明 朱謀瑋 鬱儀

龍巖魏茂林學

釋器 下

蕃弱。繁弱。大屈。烏舉。烏號。白鵬。良弓也。

〔文選上林賦〕彎蕃弱。滿白羽。〔注〕文穎曰彎牽也。蕃弱夏后氏良

弓之名。善曰左氏傳衛子魚曰分魯公以封父之繁弱。蕃與繁

古字通。〔左傳〕定公四年封父之繁弱。〔注〕繁弱大弓名。〔又〕昭

公七年好以大屈。既而悔之。〔注〕大屈弓名。〔按〕烏舉卽烏號。荀

子大略篇望其壙舉如也。莊子卮言列子天瑞篇舉俱作舉。周

禮春官太祝來瞽令皋舞。〔注〕皋讀爲卒。嗥呼之嗥。集韻平聲三

第六號字。〔注〕或作皋。又皋字。〔注〕俗作舉。是皋嗥舉號字並通也。

又家語好生第十。楚恭王出遊亡烏。嗥之弓。〔注〕音豪。藝文類聚



六十軍器部引作亡其烏號之弓注烏號良弓名也

淮南子

原道訓射者扞烏號之弓彎其衛之箭注烏號桑柘其材堅勁

烏時其上及其將飛枝必撓下勁能復巢烏隨之烏不敢飛號

呼其上伐其枝以爲弓因曰烏號之弓也一說黃帝鑄鼎於荆

山鼎湖得道而仙乘龍而上其臣援弓射龍欲下黃帝不能也

烏於也號呼也於是抱弓而號因名其弓爲烏號之弓也按漢

書司馬相如傳子虛賦左烏號之雕弓注引應劭說與誘前一

義同又引張揖說與誘後一義同師古曰應張二說皆有據也

御覽三百四十七兵部白鵬古弓名原注出邊崖類聚

谿子巨黍距來少府時力大黃參連黃間弩也

國策韓策天下之強弓勁弩皆自韓出谿子少府時力距來皆

射六百步之外又淮南子俶真訓烏號之弓谿子之弩不能無

絃而射注谿子爲弩所出國名也或曰谿蠻夷也以柘桑爲弩

因曰谿子之弩也一曰谿子陽鄭國善爲弩匠因以名也文

選閒居賦注谿子巨黍異黍同機注史記蘇秦說韓王曰谿子巨

黍者皆射六百步之外按今本史記蘇秦列傳作谿子少府時

力距來者皆射六百步之外戰國韓策同又荀子性惡篇繁弱

鉅黍注鉅與拒同黍當爲來言弓弩勢勁足以拒於來敵也

史記蘇秦列傳集解按時力者謂作之得時力倍於常故名時

力也又李將軍列傳廣爲圓陳外嚮胡急擊之矢下如雨漢

兵死者過半漢矢且盡廣乃令士持滿毋發而廣身自以大黃

射其神將集解徐廣曰南都賦曰黃間機張善弩之名駟按鄭

德曰黃肩弩淵中黃朱之孟康曰太公六韜曰陷堅敗強敵用

大黃連弩韋昭曰角弩色黃而體大也索隱按大黃閒弩名韋

昭說是也。按今本六韜虎韜軍用三十一作陷堅陳敗強敵大黃參連。弩注脫陳字。參字考參連見下五射引周禮注節去二字。文義不全。孟注似非。〔文選射雉賦〕捧黃間以密殼。徐爰注捧舉也。黃間弩名也。張衡云黃間機張一名黃肩。間居閑切。懸刀弩牙也。

〔釋名釋兵第二十三〕弩怒也有執怒也。其柄曰臂。似人臂也。鈎絃者曰牙。似齒牙也。牙外曰郭。爲牙之規郭也。下曰懸刀。其形然也。舍括之口曰機。言如機之巧也。亦言如門戶之樞機開闔有節也。

槩櫛弩楔也。

〔玉篇中木部〕槩櫛弩楔木也。於今先奚二切。

鈎鑪飛童忘歸申孫金僕姑夏服鷄尾簣。簣簣飛鳧電景三鑠。

平題簪筭矢也。

〔方言九〕凡箭鏃胡合羸者四鏃或曰鈎腸三。鏃者謂之羊頭其廣長而薄鏃謂之鉞或謂之鈇箭其小而長中穿二孔者謂之鉞。鏃其三鏃長六尺者謂之飛。蚤內者謂之平。題〔注〕鏃稜也鉞鏃今箭鉞鏃空兩邊者也噓噓兩音飛蚤此謂今射箭也平題今戲射箭頭題猶羊頭也。集韻鉞音盍鏃音盧蚤眉耕切音盲。〔孔叢子公孫龍第十一〕龍聞楚王張繁弱之弓載忘歸之矢以射蛟兕於雲夢之間亦見公孫龍子跡府第一。〔國語晉語〕乾時之役申孫之矢集於桓鈎〔注〕申孫矢名。〔左傳莊公十一年〕公以金僕姑射南宮長萬〔注〕金僕姑矢名。〔漢書司馬相如傳上〕左烏號之雕弓右夏服之勁箭〔注〕伏儼曰服盛箭器也。夏后氏之良弓名煩弱其矢亦良卽煩弱箭服也故曰夏服。

御覽三百五十兵部魏百官名曰三公拜賜鵠尾鵠尾箭十  
二枚〔廣雅釋草〕籥籥簞。簞。筥。簞。箭也。〔疏證〕簞。筥。即簞竹又  
簞古篠字馬融長笛賦云林簞蔓荆李善注云簞與篠通爾雅  
云篠箭說文篠作筱云箭屬小竹也筱可爲矢竹譜云篠細竹  
也出蜀志薄肌而勁中三續射博箭篠音衛見三倉字通作衛  
淮南原道訓云射者扞烏號之弓彎綦衛之箭兵略訓云括淇  
衛籥籥淇與綦同淇衛籥籥對文皆箭竹之名也〔按〕綦衛今本  
淮南子作綦衛又〔西山經〕云英山其陽多箭籥竹譜籥作簞云  
簞亦籥徒概節而短江漢之間謂之簞筥疏證本此是簞字應  
作單句讀然玉篇於簞籥二字下俱注云竹箭也二字雖不合  
而無異義作駢語亦通猶下簞衛連讀也。簞之人切籥苦怪  
切。籥即籥省。〔六韜〕虎韜軍用三十一材士強弩矛戟爲翼飛。

鳧。電。影。自。副。飛。鳧。赤。莖。白。羽。以。銅。爲。首。電。影。青。莖。赤。羽。以。鐵。爲。首。○景同影〔集韻平聲一〕簪。矢也。容。茸。二音。

胡。籛。鞞。鞞。櫜。丸。步。又。矢。藏。也。

〔玉篇中竹部〕胡。籛。箭。室。○集韻入聲九籛字注同又云或作鞞。鞞音祿。〔廣雅釋器〕棚。医。嬪。嬪。鞞。矢。藏。也。〔疏證〕集韻引埤蒼。

云。鞞。鞞。箭。室。也。鞞。鞞。亦。作。步。又。釋。名。云。步。又。人。所。帶。以。箭。又。其。中。也。續。漢。書。輿。服。志。注。引。通。俗。文。云。箭。箠。謂。之。步。又。各。本。鞞。鞞。譌。作。鞞。鞞。今。訂。正。〔按〕此。尙。沿。舊。本。二。字。倒。出。又。備。二。音。〔詩〕。

大。叔。于。田。〔抑釋棚忌釋文〕馬。云。棚。櫜。丸。蓋。也。又。左。傳。昭。公。二。十。五。年。公。徒。釋。甲。執。冰。而。踞。疏。賈。逵。云。冰。櫜。丸。蓋。也。〔按〕櫜。亦。作。嬪。方。言。丸。所。以。藏。箭。弩。謂。之。箠。弓。謂。之。鞞。或。謂。之。嬪。丸。又。作。鞞。後。漢。書。南。匈奴。傳。弓。鞞。鞞。丸。丸。或。作。嬪。廣。雅。嬪。矢。藏。也。疏。證。蓋。

矢箠之圓者也

按臧張氏刊本作盛誤集韻平聲三藏字注

云或作臧是矢臧卽矢藏也

含光承影宵練辟閭獨鹿屬鏤步光鍛成磐郢輕呂莫門燕支古劍也

列子湯問篇三劍一曰含光視之不可見運之不知其有所觸也泯然無際經物而物不覺二曰承影將旦昧爽之交日夕昏明之際北面而察之淡淡焉若有物存莫識其狀其所觸也竊竊然有聲經物而物不疾也三曰宵練方晝則見影而不見光方夜見光而不見形其觸物也騖然而過隨過隨合覺疾而不血刃焉荀子性惡篇桓公之慈大公之闕文王之錄莊君之智閭閻之干將莫邪鉅闕辟閭此皆古之良劍也注或曰辟閭卽湛盧也閭盧聲相近盧黑色也湛盧言湛然如水而黑也又

張景陽七發說劍曰舒辟不常李善云辟卷也言神劍柔可卷而懷之舒則可用辟閭或此義歟。辟必益切。又成相篇恐

爲子胥身離凶進諫不聽剄而獨鹿棄之江注獨鹿與屬鏤同

本亦或作屬鏤吳王夫差賜子胥之劍名左傳哀公十一年

使賜之屬鏤以死注屬鏤劍名。鏤力俱力侯二反史記仲

尼弟子端木賜列傳因越賤臣種奉先人藏器甲二十領缺屈

盧之矛步光之劍以賀軍吏文選七命銷踰羊頭鏤越鍛成

注謝承後漢書曰孝章皇帝賜諸尙書劍手自署姓名尙書陳

寵濟南鍛成蒼頡書曰鍛椎也。鍛丁貫切御覽三百四十

三兵部吳越春秋曰越王允常聘歐冶子作名劍五枚三大二

小一日純鈎二曰湛盧三曰豪曹或曰磐郢四曰魚腸五曰鉅

闕。郢以整切逸周書克殷解乃尅射之三發而後下車而



擊之以輕呂。斬之以黃鉞。注輕呂劍名。廣雅釋器：龍淵、太阿、干將、鎮劍、莫門、斷蛇、魚腸、醇鈞、燕支、蔡倫、屬鹿、干隊、堂谿、墨陽、鉅闕、辟閭、劍也。疏證諸書說劍皆無莫門之名。廣韻：劍字注全引廣雅。此條文亦無莫門二字。莫字疑是鎮字之音誤。入正文門字疑因下文鉅闕辟閭等字從門而誤衍也。又屬鏐獨鹿並與屬鹿同。

龍淵、太阿、工市、楚劍也。

越絕書外傳記寶劍第十三：歐冶子干將鑿茨山，洩其溪取鐵英，作爲鐵劍三枚：一曰龍淵，二曰泰阿，三曰工布。注一作市。按初學記：武部劍第二引越絕書云：楚王召風胡子，令之吳，越見歐冶子，干將使之爲鐵劍三枚：一曰龍泉，二曰太阿，三曰工市。干將、鎮劍、邪吳劍也。

吳越春秋閭閻內傳第四。干將者吳人也。與歐冶子同師。俱能爲劍。越前來獻三枚。閭閻得而寶之。以故使劍匠作爲二枚。一曰干將。二曰莫耶。莫耶。干將之妻也。干將妻斷髮剪爪。投於爐中。使童男童女三百人。鼓橐裝炭。金鐵乃濡。遂以成劍。陽曰干將。陰曰莫耶。陽作龜文。陰作漫理。按初學記。武部劍第二。吳有干將。鑊邪。注引越絕書。鑊與莫同。邪以遮切。與鉞鉚鉚同。純鉤。湛盧。豪曹。魚腸。巨闕。越劍也。

御覽三百四十三兵部。詳上。鑊邪。注按。今本吳越春秋閭閻內傳。有魚腸。豪曹。湛盧。三劍。而無純鉤。巨闕。越絕書外傳。記寶劍全載五劍。而純鉤作純鉤。惟初學記。武部劍第二。越有純鉤。湛盧。豪曹。魚腸。巨闕。諸劍注。引吳越春秋五劍名。與駢雅同。棠谿。墨陽。合伯。合賻。鄧師。宛馮。韓劍也。

國策韓策韓卒之劍戟皆出於冥山棠谿墨陽合伯膊鄧師宛  
馮龍淵大阿皆陸斷馬牛水擊鵠雁按此據高氏注本曾氏鞏  
按本合字下無伯字又廣雅疏證八上引韓策伯字下無膊字  
又玉海一百五十一兵制引史記蘇秦曰韓卒之劍戟云云膊  
作膊注云戰國策合膊作合伯春秋後語作合相・膊符遇切  
膊匹各切

斷蛇駭犀蔡倫蔡倫漢劍也

斷蛇蔡倫見廣雅釋器詳上莫門注又疏證西京雜記云漢帝  
相傳以高帝斬蛇劍劍上有七采珠九華玉以爲飾雜廁五色  
流離爲劍匣刃上常若霜雪開匣拔鞘輒有風氣光采射人蓋  
卽廣雅所謂斷蛇也。蛇同蛇 御覽三百四十二兵部東觀  
漢記曰光武有駭犀之劍以賜陳遵 蔡倫未詳章氏簡曰蔡

倫疑卽蔡。倫字形相近而誤。仍俟再考。

飛景流彩華鋒魏劍也。

〔初學記〕武部劍第二〔魏〕有文帝飛景流彩華鋒三劍〔原注〕見典論

白虹紫電辟邪流星青冥百里吳劍也。

〔古今注〕輿服第一〔吳〕大皇帝有寶劍六。一曰白虹。二曰紫電。三曰辟邪。四曰流星。五曰青冥。六曰百里。

匕首短劍也。

〔漢書〕鄒陽傳〔匕首〕竊發〔注〕匕首短劍也〔御覽〕三百四十六〔兵部〕通俗文曰匕首劍屬其頭類匕故曰匕首短而便用。

袂褱劍衣也。

〔廣雅〕釋器〔夫褱〕木劍衣也〔疏證〕夫舊本作袂曹憲音扶按少儀

加夫褱與劔焉鄭注云夫褱劔衣也玉篇廣韻袂字皆音膚不音扶說文袂襲袂也廣韻袂衣前襟也皆非劔衣之名按此尙沿廣雅舊本作袂應從少儀作夫爲是

孟勞百鍊青犢漏影靈寶含章素質露陌龍鱗善勝成勝白陽徑路寶刀也

穀梁傳僖公元年左右曰孟勞孟勞者魯之寶刀也古今注

輿服第一吳大皇帝有寶刀三一日百鍊二曰青犢三曰漏景

○景與影同御覽三百四十六兵部典論曰魏太子丕造百

辟寶刀三其一長四尺三寸六分重三斤六兩文似靈龜名曰

靈寶其二采似丹霞名曰含章長四尺四寸三分重三斤十兩

其三鑒似嚴霜刀身劔缺名曰素質長四尺三寸重二斤九兩

又造百辟露陌刀一長三尺二寸重二斤九兩狀似龍文名曰

龍麟。

雲笈七籤一百七梁茅山貞白先生傳以大通初獻刀

二一名善勝一名成勝爲佳寶按初學記二十二武部刀第三

載梁簡文帝有謝賁善勝刀啟藝文類聚六十軍器部御覽三

百四十六兵部刀下俱載簡文謝賁善勝威勝刀啟威與成字

形相似其文有曰五寶初成曹丕先荷其一二勝今造愚臣總

被其恩初學記祇載善勝故二勝亦改作善勝當以藝文御覽

爲據也至威勝當作成勝梁書陶宏景傳及南史本傳所載皆

同唯二刀皆作二丹豈因鍊丹而成此刀故仍名丹耶張溥百

三家陶隱居集後傳改作刀不作丹合之七籤所載初學藝文

御覽之文其爲刀名無疑二丹之文仍俟再考。或曰神仙尸

解有以金丹煉刀法然不當仍名爲丹所未詳也廣雅釋器

陳寶孟勞馬氏白楊劖劖劉刀也疏證魏左延年秦女休行云

左執白楊刀右據宛魯矛淮南子修務訓羊頭之銷高誘注云  
白羊子刀也羊與楊通按御覽三百四十六兵部刀下引樂府  
歌曰左執白陽刀右據宛景矛白陽字本此漢書匈奴傳下  
單于以徑路刀金留犁撓酒注應劭曰徑路匈奴寶刀也  
鞞斲刀鞞也

廣雅釋器鞞斲刀削也疏證說文鞞刀室也鞞之言屏藏也亦  
刀劍削之通名內則右佩遼鄭注云遼刀鞞也遼與斲同。刀  
鞞未詳疑卽玉篇下韋部刀鞞之訛音室鞞斲布鼎之逝二反  
鞞斲刀柄韋也

玉篇下韋部鞞斲刀飾。廣韻五入聲同又鞞字注刀飾把中  
皮也集韻入聲十鞞鞞刀把韋玉篇於白直白二切廣韻一號  
場伯二切集韻屋統直格二切

鑿鉞斧也。大曰關斧，小曰蕭斧。

〔說文解字第十四〕鑿鉞斧也。卽移府移二切。〔後漢書馬融

傳上〕翬終葵揚關斧。〔注〕廣雅終葵椎也。關斧斧名也。〔文選魏

都賦〕武人歸獸而去戰蕭斧。戢柯以柙刃。〔劉涓子林注〕桓譚新論

雍門周說孟嘗君曰：以強秦之執伐弱薛，譬猶礮蕭斧以伐朝

菌也。〔李周翰注〕蕭斧，越斧也。

樁質，斫具也。

〔廣雅釋器〕杙，樁也。〔疏證〕樁或作鉗，樁或作鎖，通作質。凡樁，

或用以斫木。爾雅樁謂之樓，孫炎注云：斫木質是也。或用以莖

芻，周官圉師注云：樁質，圉人所習。襄二十六年公羊傳云：夫負

羈繫執鈇鎖，从君東西南北，則是臣僕庶孽之事是也。或用以

斬人。漢書項籍傳注云：質，鉗也。古者斬人加於鉗上而斫之，昭



二十五年公羊傳君不忍加之以鉄鎖何休注云鉄鎖要斬之  
罪秦策云今臣之胷不足以當樞質要不足以待斧鉞是也或  
用以爲射槩周官司弓矢王弓弧弓以授射甲革樞質者是也  
或用以爲門槩昭八年穀梁傳置旃以爲轅門以葛覆質以爲  
槩范甯注云質樞是也按廣韻二下平聲二十一侵樞字注引  
文字指歸鉄樞斫木質解與爾雅孫注合鬱儀訓斫具本此  
樞音砧知林切斫音灼

雍狐戟也

管子地數第七十七黃帝問於伯高伯高對曰雍狐之山發而  
出水金從之蚩尤受而制之以爲雍狐之戟芮戈是歲相兼者  
諸侯十二

鹿解鉤也

〔方言五〕鈎宋楚陳魏之間謂之鹿。𧢲或謂之鈎格。自關而西謂之鈎。或謂之𧢲。〔注〕鈎懸物者。鹿𧢲或呼鹿角。𧢲音格。

槽柔木矛也。

〔淮南子汜論訓〕槽柔無擊。修戟無刺。〔注〕槽柔木矛無擊。無鐵刃也。〔按〕槽柔莊本作槽矛。誤據御覽一百七十一兵部改槽音曹。爆槩。胸槩也。

〔通考一百十八王禮十三〕程氏演繁露曰。宋景文筆記曰。宣獻宋公著園籒記。至爆槩。不能得其義。予後十餘年始得之。其說曰。江左有胸槩。爲其首大如胸。是其義也。按字書。脰小瓜也。蒲卓反。字或爲胸。同一音也。予按爾雅。爆牛幫牛也。此獸抵觸百獸無敢當者。故金吾仗刻爆牛於槩首。以碧油囊籠之。荆楚歲時記所說亦與爾雅同。今金吾仗以爆槩爲第一隊。則是爆槩。

云者刻幫牛於槩首也他說皆非也通雅三十四器用類爆稍刻爆於首也稍从矛爆字字書不載開寶禮作爆朱光家又作爆槩今亦有之但用木飾按集韻入聲九爆字注爆槩唐衛仗名音與爆同弼各切

箴槍箴也

槍當作槍御覽三百三十七兵部張揖廣雅曰箴謂之箴槍何承天纂文曰箴箴槍也按今本廣雅釋器箴謂之其疏證太平御覽引纂文云箴箴槍也玉篇箴筴逆槍也或作箴廣韻筴斜逆也箴各本譌作箴今訂正。箴音孤箴音蹙此从御覽不誤終葵椎也

考工記玉人太圭長三尺杼上終葵首天子服之注終葵椎也吳魁露見犀渠果科自障盾也

釋名釋兵第二十三 盾遯也。跪其後避以隱遯也。大而平者曰吳。魁本出於吳爲魁帥者所持也。隆者須盾本出於蜀須所持也。或曰羌盾言出於羌也。約脇而鄒者曰陷虜言可以陷破虜敵也。今謂之曰露。見是也。狹而長者曰步盾。步兵所持與刀相配者也。狹而短者曰子盾。車上所持者也。子小稱也。以縫編板謂之木絡。以犀皮作之曰犀盾。以木作之曰木盾。皆因所用爲名也。〔支選〕吳都賦家有鶴膝。戶有犀渠。〔劉淵林注〕犀渠楯也。犀皮爲之。國語曰奉父犀渠。〔御覽〕三百五十六兵部廣雅曰果科。干楳楯戟盾也。〔按〕今本廣雅釋器果科作吳魁疏證引楚辭九歌操吳戈兮被犀甲。王逸注云或曰操吾科。吾科楳之名也。吾科與吳魁同。太平御覽引廣雅作吳科科魁聲相近。據此則王氏所見御覽又是一本。然以證之鬱儀此書似鮑刻仿宋

本爲較舊矣

又龍魚河圖曰盾名自障

彭排捍敵者

釋名釋兵第二十三彭排彭旁也在旁排敵禦攻也

鶴鄰屈盧勃盧宛景鏃鏃矛也

方言九矛骹細如鴈脰者謂之鶴鄰有小枝刃者謂之鉤舒矛

或謂之舒鏃謂之鏃骹謂之登鑄謂之針注今江東呼爲鈐鈐

屈盧見史記仲尼弟子端木賜列傳詳上步光注又案隱曰

屈盧矛名

文選吳都賦千鹵及鉞陽夷勃盧之旅劉淵林注

越絕書曰越王身披陽夷之甲拔勃盧之矛宛景見上白陽

寶刀也注

廣雅釋器鏃鏃鍵稍施移矛也疏證考工記廬人

爲廬器酋矛常有四尺夷矛三尋方言鏃謂之鏃說文鏃長矛

也鏃之言刻也爾雅云刻利也方言矛吳揚江淮南楚五湖之

間謂之鋤或謂之鋸淮南子兵略訓修鍛短鋸華嚴經卷十五音義引許慎注云鋸小矛也鋸之言擬也釋言篇云擬撞也。鋸音談又音他甘反鋸初江反

槩戟前驅者

古今注輿服第一槩戟。戔之遺象也詩所謂伯也執殳爲王前驅。戔前驅之器也以木爲之後世滋僞無復典刑以赤油韜之亦謂之油戟亦謂之槩戟公王以下通用之以前驅

渠荅鐵蒺藜也。藺石雷礮也。虎落竹遮也。

漢書鼂錯傳具藺石布渠荅。注服虔曰藺石可投大石也蘇林曰渠荅鐵蒺藜也如淳曰藺石城上雷石也墨子曰城上二步一渠立程長三尺冠長十尺臂長六尺二步一荅荅廣九尺袤十二尺師古曰藺石如說是也渠荅蘇說是也雷音來內反。

蘭音吝 又爲中周虎落注鄭氏曰虎落者外蕃也若今時竹虎落蘇林曰作虎落於塞要下以沙布其表旦視其跡以知匈奴來入一名天田師古曰蘇說非也虎落者以竹篴相連遮落之也

蘭鐻兵架也

又選西京賦武庫禁兵設在蘭鐻薛綜注鐻架也武庫天子主兵器之官也善曰劉逵魏都賦注曰受他兵曰蘭受弩曰鐻音蟻

刁斗警器也

史記李將軍列傳不擊刁斗以自衛集解孟康曰以銅作鐃器受一斗晝炊飯食夜擊持行名曰刁斗索隱刁音貂按荀悅云刁斗小鈴如宮中傳夜鈴也蘇林曰形如鐃以銅作之無緣受

一斗故云刁斗。鐺卽鈴也。埤蒼云：鐺，溫器有柄，斗似銚，無緣音譙。

兜鍪。鞬。鍪。首鎧也。

〔說文解字第八〕兜。鍪。首鎧也。〔按〕文選長楊賦：鞬鍪生蟣蝨。善注引說文曰：鞬，鍪首鎧也。又引孔安國尚書傳曰：冑，兜鍪也。鞬，鍪卽兜鍪也。鞬，莫侯反。〔國策〕韓策：甲盾鞬。鍪，鐵幕革扶，沃芮無不畢具。〔鮑彪注〕鞬，革履。鍪，兜鍪。〔按〕此以鞬鍪爲二物，與諸說異。又鍪一作鞬。漢書韓延壽傳被甲鞬，鞬注師古曰：鞬，鞬卽兜鍪也。鞬，丁奚反。

鉦。鍛。鉦。鉦。頸鎧也。

〔廣雅釋器〕鉦。鍛。謂之鉦。鉦。疏。〔上〕說文：鉦，鍛頸鎧也。鉦，鉦卽鉦。鍛之轉。〔按〕鉦，鉦亦見卷三釋宮。然彼作門鋪解，非此義。集韻平聲



四兩引之鬱儀分載本此。鉦烏牙反鍛乎加反與鍛鍊之鍛異。鉦烏侯反鉦音侯。

闕鞞。陽夷。鮫。函。甲也。

左傳定公四年分唐叔以大路密須之鼓闕鞞。姑洗注闕鞞甲名。陽夷見上勃盧矛也注文選吳都賦扈帶鮫函扶掄屬。

鏤。劉淵林注鮫函鮫魚甲可爲鎧。

大白。大赤。螭弧。靈姑鉦。洪頤徽章旗也。

禮明堂位有虞氏之旂夏后氏之綬殷之大白。周之大赤。注四者旂旗之屬也。周禮王建大旂以賓建大赤以朝建大白以卽戎建大麾以田也。疏殷之大白謂白色旗周之大赤者赤色旗。引周禮者巾車職文。左傳隱公十一年。穎考叔取鄭伯之旗螭弧以先登。注螭弧旗名。螭莫浮切音謀。鉦當作鉦。又昭。

公十年公卜使王黑以靈姑鉞率吉注靈姑鉞旗名。鉞扶眉反又音平。文選甘泉賦舉洪頤樹靈旗注服虔曰洪頤旗名也。國策齊策秦假道韓魏以攻齊齊威王使章子將而應之與秦交和而舍使者數相往來章子爲變其徽章以雜秦軍高氏注徽幟名也傳曰揚徽者公徒也通白曰章幅變易之使與秦旗章同欲以襲秦

星施旄珥也

逸周書王會解樓煩以星施星施者珥旄注施所以爲旄羽珥

• 珥忍止切

肥胡祀姑幡也

國語吳語建肥胡注肥胡幡也。文選吳都賦坐組甲建祀姑

劉淵林注祀姑幡名麾旗之屬也國語曰吳王夫差出軍與晉

爭長昏乃戒夜中令服兵擐甲陳士卒官帥擁鐸建祀姑此吳軍容之舊制也

赤仄榆莢白撰鰲文鵝眼縷環錢也

漢書食貨志下郡國鑄錢民多姦鑄錢多輕而公卿請令京師鑄官赤仄注應劭曰所謂子紺錢也如淳曰以赤銅爲其郭也今錢郭見有赤者不知作法云何也又漢興以爲秦錢重難

用更令民鑄莢錢注如淳曰如榆莢也又白金三品其一曰

重八兩圓之其文龍名白撰直三千洞冥記卷四帝昇望月

臺時暝望南端有三青鸞羣飛俄而止於臺上至夕化爲三小

童皆著青綺文繡各握鰲文大錢五枚置帝几前身止影動因

名輕影錢按初學記二十七寶器部錢第五引郭子橫洞冥記

鰲文作鰲文五枚作三枚鬱儀作鰲本此初學記寶器部錢

第五宋略曰泰始中通私鑄而錢大壞一貫長三寸謂之鵝眼。錢減此者謂緹環。錢貫之以縷入水不沉市井不復料數十萬不盈一掬。〔通典九食貨九〕永光元年沈慶之啟通私鑄由是錢貨亂改一千錢長不盈三寸大小稱此謂之鵝眼。錢劣於此者謂之緹環。錢入水不沈隨手破碎。緹音延。

雷鼓以祀路鼓以享靈鼓以社鼗鼓以軍鼗鼓以役晉鼓以金奏〔周禮地官鼓人〕以雷鼓鼓神祀以靈鼓鼓社祭以路鼓鼓鬼享以鼗鼓鼓軍事以鼗鼓鼓役事以晉鼓鼓金奏〔注〕雷鼓八面鼓也神祀祀天神也靈鼓六面鼓也社祭祭地祇也路鼓四面鼓也鬼享享宗廟也大鼓謂之鼗鼓鼓長八尺鼗鼓長丈二尺晉鼓長六尺六寸金奏謂樂作擊編鍾〔按〕依周禮原文路鼓當在靈鼓下此誤倒。鼗扶云反鼗音羔。

小曰朔鼓。馬上曰提鼓。於朝曰登聞鼓。於府寺曰朝晡鼓。在村墅曰枹鼓。在邊徼曰警鼓。石鼓曰神鉦。候鼓曰守鼙。

又春官小師下管擊應鼓。注應鼙也。應與輦及朔皆小鼓也。又

儀禮大射朔鼙在其北。注朔始也。通考一百三十六樂九朔鼓。

有誓詩曰應田。縣鼓先儒以田爲輦。則朔鼙皆小鼓也。以其引

鼓故曰輦。以其始鼓故曰朔。周禮夏官大司馬師帥執提。注

鄭司農云提讀如攝提之提。謂馬上鼓有曲木提持鼓立馬髦

上者故謂之提。初學記樂部鼓第七纂要曰馬上之鼓曰提

鼓。施於朝曰登聞鼓。原注堯置敢諫鼓卽此也。又施於府寺

曰朝晡鼓。在村墅曰枹鼓。在邊徼曰警鼓。注枹一作桴。音俘。謂

擊鼓物。晡博孤切。音通。通考一百三十五樂八神鉦其狀

如鼓。郡國志洞庭山有官五門。東有石樓樓下兩石鼓扣之其

聲清越世所謂神鉦也晉孝武樂章曰神鉦一震九域來同  
〔周禮春官鑄師〕凡軍之夜三鑿皆鼓之守鑿亦如之〔注〕守鑿備  
守鼓也〔釋文〕鑿杜子春讀爲戚。集韻倉歷切音戚又七到切  
音操義同

都曇毛員答臘雞婁夷鼓也

〔通考〕一百三十六樂九都曇鼓扶南天竺之器也其狀似腰鼓  
而小以小槌擊之。曇音徒含切〔又〕毛員鼓其制類都曇而  
大扶南天竺之樂器也〔又〕答臘鼓龜茲疎勒之器也其制如  
羯鼓抑又廣而短以指指之其聲甚震亦謂之鞞鼓也後世教  
坊奏龜茲曲用焉〔又〕雞婁鼓其形正而圓首尾所擊之處平  
可數寸龜茲疎勒高昌之器也

天球玉磬也

〔書顧命〕天球河圖在東序〔釋文〕天球馬云玉磬

樂石浮磬也

〔說文解字第九〕磬樂石也。从石，殸象縣虞之形，殸擊之也。〔匡謬正俗卷八〕或問曰：秦始皇嶧山刻石文云「刻茲樂石」。樂石何也？答曰：許慎《說文解字》曰：「磬，樂石也。樂石卽磬也。」禹貢稱徐州嶧陽孤桐，泗濱浮磬，言泗水之濱有石可以爲磬。蓋秦之所刻卽是磬石。近泗濱故謂之樂石爾。〔按通考一百三十五〕樂考八石之屬，浮磬注引嶧山碑刻，茲作刻此，體儀以樂石爲浮磬。本此丁寧鉦也。

〔國語晉語〕戰以錡于丁寧，傲其民也。〔注〕丁寧謂鉦也。琅璫鐸也。

〔杜甫大雲寺贊公房詩第一首〕夜深殿突兀，風動金琅璫。〔集千

家注希曰琅璫二字見漢書王莽傳西域傳皆以爲長鎖公今所用自指爲鈴鐸故蘇子瞻有風動琅璫月向低洪龜父有琅璫鳴佛屋之句要皆本公此詩。錢箋此詩列第三首金琅璫作金銀鐺又箋云西域傳注銀鐺長鎖也若今之禁繫人鎖今殿塔皆有之舊注以爲殿塔懸鈴非是按銀鐺字見說文字皆从金漢書作琅當乃假借字也然琅从玉當不从玉與杜詩所言金琅璫字義迥別西域傳陰末赴鎖琅當德後漢書崔寔傳卓收烈付郡獄琅當鐵鎖又前書曰人犯鑄錢以鐵鎖琅當其頸戴氏六書故卷四引之云銀鐺之爲物連牽而重故俗語以困重不艱爲銀鐺然則琅當乃著力字故前後書用琅當字皆連鎖字鐵鎖字言之若徑解爲鎖名則漢書爲不辭矣准此以解杜詩其不可以金琅璫爲鐵鎖亦明甚況杜以琅璫爲鐸非



無本也周禮夏官大司馬注引司馬法佚篇文曰鼓聲不過聞  
輦聲不過聞鐸聲不過聞琅鐸聲也單評之曰琅疊評之則曰  
琅璫文義甚明確然可據豈得以璫字爲說文新附而疑之至  
殿塔之綴鐸鈴凡寺皆有之晉書佛圖澄識相輪鈴音北史長  
孫紹遠經佛寺聞浮圖三層上鐸鳴其音雅合宮調說文解字  
第十四曰鐸大鈴也此詩作於大雲寺寺內有三絕塔塔內有  
鄭法輪田僧亮楊契丹畫跡見長安志則夜深所聞非卽此寺  
鐸而何錢箋徑改漢書琅當及杜詩琅璫爲銀鐺而釋之曰長  
鎖無論琅璫字相沿引用已成故實不可徑廢卽以夜深十字  
言之造語何等超妙是乃聲聞覺也必以殿塔之長鎖當之夫  
風動長鎖有何興象老杜不應有此拙句固哉錢叟之言詩也  
鐸于金鐸也

國語晉語詳上丁寧注又吳語昧明王乃秉枹親就鳴鍾鼓丁寧鐔于振鐸周禮地官鼓人以金鐔和鼓注鐔鐔于也圓如碓頭大上小下樂作鳴之與鼓相和。鐔音淳

將于似缶方響似磬埒竿似小鐘箜篌似瑟盧沙似簫

通考一百三十四樂七周官有鐔于之制蓋樂作則鳴之與鼓相和五代後周已亡其制將于蓋當時宮縣內無算樂中用之豈鐔于之變體歟注形如瓦缶以簾縣之上有獸形如蓋又

方響其編縣之次與雅樂鐘磬異下格以左爲宜其一黃鐘二太簇三姑洗四中呂五蕤賓六林鍾七南呂八無射上格以右爲首其一應鍾二黃鍾之清三太簇之清四姑洗之清五中呂之清六大呂七夷則八夾鍾此其大凡也後世或以鐵爲之教坊燕樂用焉非古制也非可施之公庭用之民間可也又一

百三十八樂十一樂府錄謂埙。形類小鐘以手埒之則鳴矣。非古制也。注如簧而無背。又一百三十七樂十笙。舊說皆如琴制。唐制似瑟而小。其絃有七。用木撥彈之以合二變。故燕樂有大笙。篴小笙。篴。桂海虞衡志器志。盧沙。獠人樂狀類簫。縱八管橫一管貫之。

清角鳴廉。修况。籃脇號鐘。自鳴空中。繞梁綠綺。清英。焦尾。怡神。靈開。靈和。古名琴也。

通考一百三十七樂十樂書琴瑟下論曰。黃帝之清角。齊桓之號鐘。楚莊之繞梁。相如之綠綺。蔡邕之焦尾。以至玉牀響泉韻磬。清英。怡神。之類。名號之別也。廣雅釋樂。鳴廉。修營。藍。脅。號。鍾。宮中自鳴。焦尾。琴名。疏證。淮南子修務訓云。琴或撥刺。枉撓。濶解。漏越。而稱以楚莊之琴。則側室爭鼓之。山桐之琴。濶梓之。

腹雖鳴廉修營唐牙莫之鼓也高誘注云鳴廉言其鳴音聲有廉閭修營音清涼聲和調也按此謂世俗之人皆貴古而賤今故琴之惡者而稱爲古琴則人爭鼓之否則雖善而莫之鼓也故下文云服劍者期於銛利而不期於墨陽莫邪乘馬者期於千里而不期於驕驪綠耳鼓琴者期於鳴廉修營而不期於濫脅號鍾是濫脅號鍾爲古琴之名而鳴廉修營乃言其聲之美非琴名也廣雅以四者皆爲琴名失之按此誤相承已久初學記樂部下琴第一引梁元帝纂要曰古琴名有清角鳴廉修况籃脅號鍾自鳴空中繞梁綠綺焦尾鳳皇御覽五百七十九樂部大周正樂曰清角黃帝之琴神明廉修况藍脅自鳴空中號鍾齊桓公琴繞梁莊王琴綠綺司馬相如琴焦尾蔡邕琴鳳皇趙飛鸞琴是皆以鳴廉爲琴名也疏證云况與營聲相近又云

宮中當爲空中聲之誤也此傳聞之異耳似不必強爲之解又案御覽引大周正樂神明二字上下疑有脫誤。蓋與濫通脇同脅。通考一百三十七樂十自古善琴者八十餘家一十八樣究之雅度不過伏犧大舜夫子靈開靈和五等而已餘皆求意新狀奇終乖古制君子不貴

雲和小箏也

通考一百三十七樂十雲和琵琶如箏用十二絃施柱彈之足黃鍾一均而倍六聲其首爲雲象因以名之非周官雲和琴瑟之制也

蕃羸四絃瑟也

又同上三禮圖雅瑟長八尺一寸廣二尺八寸二十三絃其常用者十九絃其餘四絃謂之蕃蕃之爲言羸也。羸力爲切

奚琴。匏琴。胡琴也。

〔又同上〕奚琴。胡中奚部所好之樂。出於奚。鼗而形亦類焉。其制兩絃。間以竹片。軋之。民間或用。〔又〕隋煬帝平林邑國。獲扶南樂工及匏琴。其制至陋。不可用。但以天竺樂傳寫其聲。不齒樂部。

中鳴。胡角也。

〔又一百三十八樂十二〕中鳴。〔注〕簫。邏迴其制。類膽瓶。〔又〕陳氏樂書曰。胡角本應胡笳之聲。通長鳴。中鳴。凡有三部。魏武帝北征烏丸。越沙漠。軍士聞之。靡不動鄉關之思。於是武帝半減之。爲中鳴。其聲尤更悲切。

觱篥。悲篥。笳也。

〔又同上〕陳氏樂書曰。觱篥一名悲篥。一名笳管。羌胡龜茲之樂。

也以竹爲管以蘆爲首狀類胡笳而九竅所法者角音而甚悲  
築胡人吹之以驚中國馬焉。必栗二音

祝敵謂之控楊春杵謂之頓相鐘虞謂之乘風鐘懸謂之旋蟲

〔又一百三十九樂十二〕祝敵不知誰所造樂記曰聖人作爲控

楊〔注〕謂祝敵也控苦江反楊若八反又云祝如漆桶方二尺四

寸深一尺八寸中有椎柄連底旁開孔內手於中擊之以舉樂

敵狀如伏虎背上有二十七齟齬碎竹以擊其首而逆戛之以

止樂〔又〕春杵亦謂之頓相相助也以節樂也或謂梁孝王築

睢陽城擊鼓爲下杵之節睢陽掠用春牘後代因之〔急就章〕

第八乘風縣鐘華洞樂〔小顏注〕乘風一名爰居一名雜縣蓋海

鳥也言爲乘風之狀作箕虞以懸鐘又爲華藻之形兼列衆樂

之器以成文章也洞猶通也言遍載其文采也〔王氏補注〕潘岳

西征賦洪鐘頓於毀廟乘風廢而弗縣注引急就章〔考工記〕

鳧氏鍾縣謂之旋旋蟲謂之幹注旋屬鍾柄所以縣之也鄭司

農云旋蟲者旋以蟲爲飾也元謂今時旋有蹲熊盤龍辟邪釋文旋如字李信犬反

函鍾林鍾也

〔周禮春官大司樂〕乃奏蕤賓歌函鍾注函鍾一名林鍾疏周禮

言函鍾月令云林鍾故云一名林鍾也

小呂仲呂也

〔又同上〕乃奏夷則歌小呂注小呂一名中呂疏周禮言小呂月

令言中呂故云一名中呂也・中音仲

圓鍾夾鍾也

〔又同上〕凡樂圓鍾爲宮注圓鍾夾鍾也



扶來立本。駕辯伏羲樂也。

〔通典一百四十一樂一〕伏羲樂名扶來。亦曰立本。〔釋史三太古第三太皞紀〕引孝經鉤命決伏羲樂曰立基一云扶來。一曰立本。通考一百二十八樂一引同原注見帝系譜及孝經緯。

〔楚辭大招〕伏戲駕辯。楚勞商只。〔王逸注〕伏戲古王者也。始作瑟。駕辯勞商皆曲名也。言伏戲氏作瑟造駕辯之曲。楚人因之作勞商之歌。皆要妙之音。可樂聽也。

扶持下謀神農樂也。

〔廣雅釋樂〕休流扶持下謀。雲門六經五韻大章。簫韶大夏大頀大武。勺大予樂名。〔疏證〕通典云神農樂名扶持。亦曰下謀。見帝系譜及孝經緯樂記正義及周官大司樂疏。並引孝經鉤命決云神農之樂曰下謀。太平御覽載樂書引禮記云神農播種百。

穀濟育羣生造五弦之琴演六十四卦承基立化設降神謀故樂曰下謀以名功也

咸池雲門大卷黃帝樂也

〔通典一百四十一樂一〕黃帝作咸池〔注〕咸皆也池施也言德之無不施也堯增修而用之周禮曰大咸〔又〕樂記曰咸池備矣鄭注云咸池黃帝所作樂名也〔又〕按大司樂以樂舞教國子舞雲門大卷鄭注云雲門大卷黃帝能成名萬物以明民共財言其德如雲之所出民得以有族類賈公彥曰周公以堯時所存黃帝咸池爲堯樂名則更爲黃帝樂立名曰雲門雲門之與大卷爲一名也。卷音權又卷勉反又居遠反沈又居勉反

大淵少昊樂也

〔又同上〕少皞作大淵〔注〕見皇甫謐帝王代紀

六莖顓頊樂也。

〔又同上〕顓頊作六莖。〔注〕莖根也。謂澤及下也。

六英帝嚳樂也。

〔又同上〕帝嚳作六英。〔注〕英謂華茂也。

大章堯樂也。

〔又同上〕唐堯作大章。〔注〕章明也。言堯德章明也。

大韶舜樂也。

〔又同上〕虞舜作大韶。〔注〕韶繼也。言舜能繼堯之德。周禮曰大磬。

大夏禹樂也。

〔又同上〕夏禹作大夏。〔注〕夏大也。言禹能大堯舜之德。禹命登扶

氏爲承夏之樂。

大濩湯樂也。

又同上商湯作大濩。注湯以寬理人而除邪惡其德能使天下  
得其所言盡護救於人也。濩戶故反。

大武周武樂也。

又同上周武王作大武。注武以武功定天下也。  
五行壽人秦樂也。

又同上秦始皇平天下六代廟樂唯韶武存焉二十六年改周  
大武曰五行房中曰壽人衣服同五行樂之色。

文始武德昭容禮容安世嘉至四時昭德盛德雲翹育命巴渝大  
予漢樂也。

通典一百四十一樂一漢高祖時叔孫通因秦樂人制宗廟樂  
太祝迎神於廟門奏嘉至。猶古降神之樂也。皇帝入廟門奏永  
至以爲行步之節。猶古采薺肆夏也。登歌再終下奏休成之樂。

美神明既饗也。皇帝就酒東廂坐定奏永安之樂。美禮已成也。又有房中祠樂。高帝唐山夫人所作也。高祖樂楚聲。故房中樂楚聲也。孝惠二年使樂府令夏侯寬備其簫管。更名曰安世樂。高廟奏武德。文始。五行之舞。孝文廟奏昭德。文始。四時。五行之舞。孝武廟奏盛德。文始。四時。五行之舞。武德舞者。高帝四年作以象天下樂已行。武以除亂也。文始舞者。曰本舜韶舞也。高祖六年更名曰文始。以示不相襲也。注嘉善也。善神之至。又高祖六年又作昭容樂。禮容樂。昭容者。猶古之昭夏也。主出武德舞。禮容者。主出文始。五行舞。又四時舞者。孝文所作。以示天下之安和也。通考一百二十八樂一。孝文躬行節儉。除刑施澤。景帝制昭德之舞。孝武開地置郡。咸震海外。宣帝制盛德之舞。又世祖建武十三年。隴蜀平後。乃增廣郊祀。凡樂奏青陽。

朱明西皓元冥及雲翹育命舞

又哀帝時丞相孔光大司空

何武奏巴渝鼓員三十六人

注師古曰巴巴人也渝渝人也當

高祖初爲漢王得巴渝人並趨捷善鬪與之定三秦因存其武樂也巴渝之樂因此始也巴卽今之巴州渝卽今之渝州各其本地又明帝永平三年博士曹充上言漢再受命宜興禮樂引尙書璇璣鈴曰有帝漢出德洽作樂名予乃詔改大樂官曰大予樂詩曲操以俟君子自是樂凡四品一曰大予樂郊廟上陵諸食舉之

武頌正世迎靈鳳翔靈應昭武昭業魏樂也

通典一百四十一樂一魏文帝受禪後改漢巴渝舞曰昭武舞

改安世樂曰正世樂嘉至樂曰迎靈樂武德樂曰武頌樂昭容

樂曰昭業樂雲翹舞曰鳳翔舞育命舞曰靈應舞武德舞曰舜

頌舞文始舞曰大韶舞五行舞曰大武舞按通考樂考一正世作正始又文始亦作正始

秦漢有百戲雜樂曰魚龍蔓延假獸也高組鳳凰假禽也安息五案騰臥盤盜也都盧尋橦緣竿也跟挂腹旋舞組也

通考一百四十七樂二十散樂百戲散樂非部伍之正聲其來尚矣其雜戲蓋起於秦漢有魚龍蔓延注假作獸以戲○文選西京賦作曼延注引漢書作漫衍又高組鳳皇安息五枝注

並石季龍所作見鄴中記。組須緣切又都盧尋橦注今之

緣竿見西京賦。橦直江切又跟挂腹旋注並緣竿所作見

傅元西都賦。跟音根

江左又有紫鹿跋行齊王捲衣竿鼠扛鼎等伎

又同上江左猶有高組紫鹿跋行蟹食齊王捲衣竿鼠夏育扛

鼎。巨象行乳神龜。扑戲背負靈岳。桂樹白雪。畫地成川之伎。  
通典一百四十六散樂文同。跋音歧。竿蘇貫切。音算。義同。

五射。一白矢。二參連。三剡注。四襄尺。五井儀。

周禮地官保氏六藝三曰五射。注鄭司農云五射白矢參連剡注襄尺井儀也疏先鄭云五射白矢已下無正文或先鄭別有所見或以義而言之云白矢者矢在侯而貫侯過見其鏃白云參連者前放一矢後三矢連續而去也云剡注者謂羽頭高鏃低而去剡剡然云襄尺者臣與君射不與君並立襄君一尺而退云井儀者四矢貫侯如井之容儀也釋文剡羊冉反注之樹反襄音讓本作讓諸音非

五御。一鳴和鸞。二逐水曲。三過君表。四舞交衢。五逐禽左。

又同上四曰五馭。注鄭司農云五馭鳴和鸞逐水曲過君表舞



交衢逐禽左疏云鳴和鸞者和在式鸞在衡案韓詩云升車則馬動馬動則鸞鳴鸞鳴則和應先鄭依此而言云逐水曲者無正文先鄭以意而言謂御車逐水勢之屈曲而不墜水也云過君表者謂若毛傳云褐纏旃以爲門裘纏質以爲楸間容握驅而入轂則不得入穀梁亦云艾蘭以爲門置旃以爲轅門以葛覆質以爲縶流旁握御轡者不得入是其過君表卽褐纏旃是也云舞交衢者衢道也謂御車在交道車旋應於舞節云逐禽左者謂御驅逆之車逆驅禽獸使左當人君以射之人君自左射故毛傳云故自左膘而射之達於右隅爲上殺又禮記云佐車止則百姓田獵是也按此條舊鈔本五誤六又以賈疏疏字連鳴字爲一今訂正御本作馭釋文音御

九數一方田二粟米三差分四少廣五商功六均輸七方程八贏

不足九旁要又有重差夕桀勾股之數

〔又同上〕六曰九數注鄭司農云九數方田粟米差分少廣商功均輸方程贏不足旁要今有重差夕桀勾股也疏先鄭云九數者方田已下皆依九章算術而言云今有重差夕桀勾股也者此漢法增之馬氏注以爲今有重差夕桀夕桀亦是算術之名與鄭異案今九章以勾股替旁要則旁要勾股之類也釋文差初佳反又初宜反要於霄切重直龍反桀音的沈祥易反此二字非鄭注

駢雅

卷四

雜

訓纂九

美

駢雅卷四訓纂九終